



嘉興府志

ル 5
1574
26



門名 5
番 1574
卷 26

新編府志卷之二十三

列傳

秀水縣

孝廉

明

趙贊

字子文 號子文 秀水縣人 明嘉靖進士 官至 知府

趙贊 字子文 號子文 秀水縣人 明嘉靖進士 官至 知府

趙贊 字子文 號子文 秀水縣人 明嘉靖進士 官至 知府

趙贊 字子文 號子文 秀水縣人 明嘉靖進士 官至 知府

嘉興府知府善化許瑤光重輯

列傳

秀水縣

孝義

明

趙智宣德癸丑進士授庶吉士以省親乞歸世居白苧鄉
之秀水橋鄉之好善務本者徐存正朱謙光盛德材與
智父四人稱莫逆交年皆七十餘智建四老堂以娛其

親內閣王直爲之記

吳志參
徵獻錄

陳曷事母沈盡孝母邁危疾晨夕奉藥裹侍牀褥母忽思食鯉乃循溪岸行聞魚躍聲解衣入水得巨魚爲羹奉母居喪廬墓三年諱日記有一鶴從空下馴擾於庭里人繪二異圖詠歌之子孫多馴行孝謹六世孫懿典官

詹事

劉志參
袁志

沈本世居永樂里積織起家郡邑舉爲萬石長正統辛酉歲饑有詔勸富民賑貸本輸粟五千斛旌爲義民未幾閩寇猖獗郡守率民兵往禦本毅然隨行景泰癸酉募富民納粟實邊本供白粳數百斛將上道疾作遣子瀄代往同時陶鉅菊隱四世孫亦輸穀麥二千石授七品

散官

浙江
通志

范麟字桂巖鄉貢選粵東教諭親老不起景泰成化間應詔捐粟賜六品官辭以子璿贈御史

秀水
任志

項綱字立之尙書忠弟質之子也忠昆弟三仲曰質季曰文質字素臣不仕綱成化辛卯舉人知昌邑縣調長葛買陸氏宅將徙居破垣得藏金急召陸謂曰子有先人遺貲何賣宅爲乃於中取宅價悉所藏併宅還之夜夢人搢笏拜於庭曰僕陸氏祖也已得請於帝矣授一篋啟之三紙皆署參議字後果驗

徵獻
錄

夏雷集慶里人叔客吳門三十年垂橐而歸病不起爲治

喪葬故人樂松為怨家所搆往來居間費數百緡鄰婦
窺雷獨寢擲餘桃以啖之急起脫身走後以義旌賜章

服 兩浙名賢錄

項穆字德純元汴子國學生以子皋謨贈中書舍人嘗置
義田以資族人贍府學及嘉興秀水嘉善三縣學之貧
士凡千餘畝詳學校門能詩工書著貞元子集書法雅
言雙美帖行世季弟德明字鑑臺諸生族子私售襄毅
墓田獨捐貲贖之從孫俊卿償其直弗受姊二貧寡推
解不絕能鑒別書畫旁通術家言著演禽玉鏡等篇皋
謨亦能文著學易堂五記襄毅實記 吳志

卜宗洛思賢里人國學生性孝友輕財喜施不給者叩之
即應子四孝友如其父大同大有大順皆成進士 袁志

周允文號衍溪襁褓時其父賈於燕允文侍母喪葬畢偕
姊婿訪父京師見人輒哭詢一翁語以在塞外允文遂
出關冰霜踏頓逾數千里一日遇諸途父子抱持慟哭
牽裾趣歸色養數十年並以壽終子鼎隆字道從亦以
孝聞事兩兄友愛補諸生與同郡宋鳳翔文譽相埒 秀水

李志

屠隨裕字君修應垓孫恩貢授上林苑監丞出為成都府
通判鎮松潘安苗搆亂督餉支應不匱隨總督朱燮元

平之與宴賞歸事生母扶病嘗藥歷十年不倦年七十

母歿執喪盡哀

徵獻錄參
秀水任志

沈璧字東隱正德間應詔輸粟助邊授千戶弟兄五人最
友善析產推腴受瘠代兄徭役季弟屋燬於火出貲營
之比沒撫其孤如已子

曾丙與弟兩天性友愛奉母孝詳兩傳丙之子子唯諸生
內行淳備兄食貧悉以田宅讓之又償養妹逋三百餘

緡早卒

以上
劉志

項元淇字子瞻綱孫性孝友善視異母弟篤壽元汴讓財
於季倭入寇嘉善議拓城以禦城外列肆僦人素獲利

拓城當撤去以故緡紳多不欲元淇獨首撤之閱月築

城成邑得保性落拓不事生產工詩詞草書以貲拜上

林丞丁艱歸食貧親知遺贈卻弗受時與騷人衲子往

來唱和談名理著少岳山人集

徵獻錄參
浙江通志

項元淳字子南忠曾孫早孤遺貲萬餘金母命寄府藏嘉

靖甲辰歲大禮元淳悉蠲以賑飢太守欲上其事辭以

蔭為衛千戶西司房理刑值分宜柄國屢興大獄而子

婦又太宰吳鵬女也避勢挂冠歸子承芳萬歷癸未進

士為漕運理刑官中官在淮者通賄作奸列狀糾之得

旨逮闔并罷中官督漕

秀水李志
參徵獻錄

陶廷錦字公重家貧有隱行友人坐事逮捕暮夜持數百金授之且告無還期立為緘封授婦後友事雪舉囊歸之封緘宛然族兄鑰家富厚無嗣戚黨議立其子力辭復議割腴田四百畝助之亦不受任饒州司理陞鎮江府通判俱以廉能稱子涵中領鄉薦

劉志

黃承蒼正色子友人胡振芳令蘄水全家罹寇胡獨歸依承蒼終其身胡歿鬻田葬之子齊賢嘗典質完人婚著

孝史廣刑戒詩臆

吳志

萬邦彥字濱虹嘉靖乙卯舉人從子壽國字蓋卿萬厯甲午舉人並志行高潔不樂仕進閉門著書以立身行已

率後進壽國事母孝子孫孝友姍睦數世同居禾中家

法推之

吳志

沈東字啟明以貢授博士母喪哀毀不爐不扇不踰外閭者數年

袁志

鍾璧字良玉宸濠變三丁籍一勤王璧年十八三兄秀鼎肅俱隸學宮官報父端名璧曰家有四子不能免父從軍緹縈何人哉遂代父行宸濠平得歸孫庚陽進士官

刑部郎

吳志

劉鏜字大聲舉明經資廩餼以供甘旨弟程未娶積束脩為締姻人勸之仕曰我不能及親而仕今親死為五斗

折腰即杜門教子子宗亦以孝聞

袁志

吳槐少失怙母病革焚香籲天割股肉為羹以進不以告

人袁志

徐瓚以功曹任廣東海陽巡檢會開礦聞父喪賈人餽百

金冀緩須臾行可亟發倍獲利瓚卻之曰父死之謂何

而以利為哉遂奔喪歸濱海人高其義為立卻金碑

吳志

案徐氏世居秀水而瓚孫學周曾孫必達元孫世涓吳志載在嘉興列傳以其曾寄嘉興籍也今仍之

沈文銳國學生萬曆十七年大旱民饑捐米麥三千石佐

賑濟後復捐田三百畝分贍嘉興秀水嘉善學又以三

百畝為秀水縣義田議授光祿寺署丞同時同知竇文

照國學生竇國元賑饑施棺埋骼俱題旌建坊

嘉興何志

沈元昌字鴻生幼穎悟年十二補弟子員以孝聞居喪哀

毀致疾有弟四人食同案出同衣先人遺產悉讓之舉

於鄉兩任司教五子九孫耕讀孝友不替

袁志

邵宗舜字瑤光諸生工詩賦善草書父母亡哀毀骨立時

有押運重役罄鬻私產為兄弟償逋瘁心力不悔鄉黨

重之

葛學孔字碩溪性至孝親歿廬墓十餘年讀書敦行不求

聞達舉鄉飲賓子兆魁字孟侯諸生端重不苟笑好尚

論古人遇忠孝事輒流連不已甲申後杜門卻掃號完

吾以志節稱孫天麟亦有文行後人登科甲不絕鄉里
以為世德之報以上吳志

朱茂曜字子蕃太傅國祚孫國學生崇禎辛巳餓殍滿野
茂曜鬻田葬之不下數千又收棄孩於路為粥僧院活
千餘人日走赤日中不自恤謂人世大夢錄古今史傳
及所見聞凡夢兆之可徵者為徵夢錄二百卷生平和
易接物語及綱常臨大節赴大難毅然有不可犯之色

明詩綜
參家傳

姚充字叔信喜吟咏父悅為仇家所陷充代父繫獄年餘
別駕陳守義夜聞獄中讀書聲覆勘得昭雪著尙元草

秀水
任志

吳天泰字謐生少負異才以作者自命性孝友母病籲城
隍神請減算代母夜夢神許延母一紀教其弟成立子
周瑾諸生曰來舉人俱能文天泰著有星帶文集舊浙
江通

志參
吳志

姚世華字孟實父嚴有所譙讓輒引咎跪請居喪毀瘠腴
田推幼弟當就試南畿以母病日不肯行督之往得雋
歸母病疽衣不解帶日夜悲泣祈以身代母尋瘳世華
四十無嗣卒後五日妾舉一子柳志

高尙志性至孝母陸以少子死悲哀咯血幾絕尙志奉湯

藥昕夕不交睫顛天刲股和藥以進母尋愈郡縣及學使者旌其廬袁志

范明泰字長廣登萬厯庚子應天鄉榜事親至孝父歿任所扶柩遠歸哀毀如不欲生母病徒步千里求醫夜席藁牀下聞聲即起請減算以禱讓宅從弟婚嫁戚族數

秀水人任志

王道立號雲洲道人性醇恪父疾調治湯藥自浣廁踰率婦子顛天請代父卒廬墓傍哀至殞絕母病篤口度藥以舌引痰泣盡繼以血既葬廬墓如父喪且終身焉臺

臬聞之檄府旌其閭李日華王孝子傳

姚堯允字雲卿諸生博通五經諸子肆力詩詞時苦漕兌

多費力請直指除其弊年饑倡捐賑人沾實惠子徽豈

孫建侯諸生礪舉人曾孫祖愈廩生以忠厚世其家吳志

曹大田幼孤母苦節撫之及長娶婦蚤卒大田年三十母

勸更娶大田曰娶婦為後計耳兒有子矣遂不復娶教

子谷成進士官御史贈如其官

吳鉞字節侯諸生性至孝父有痰疾終夜扶持不少倦與

兄鑄鏐同居友愛以上秀水任志

俞振紀性至孝母卒年甫舞勺負土成墳慈烏巢焉里人

稱孝烏冢父壽逾耄耋生養死葬皆盡禮四旬艱嗣續

妻李氏夢竈神告曰念某盡孝已達司命自此多男矣

果連舉五子仲子昱篤學好古著有茗柯堂集秀水任志參樵

李詩繫

徐世濬字思予必達子幼負異才孝友真篤輕財好施嘗

以千金濟人急食餽當貢稱疾讓需次者與弟沿共營

千金之宅後讓沿勿較也子格究心理學亦以孝友著

孫燮元有學行早世吳志

吳兆華字孟崧孫崇禎時明經為同里陳懿典馮夢禎

所推許性耿介不妄取與有孫主事贈以金而無名固

卻之弟奕華字仲崧好義遇歲飢首倡平糶收育童稚

全活無算兆華子元滔字友玉有文名吳志參秀水任志

朱應祥貧而有操旅舍得遺囊三百五十金候其人還之

其人感泣願酬其半應祥謝不顧子三季曰承武盡弟

道長兄性嚴急事之曲謹孝友敦睦里黨重之子瑾有

傳吳志

陶經字協嘉隱居復禮鄉父病割股以療乞減已年益父

算及親歿茹素終身言方行矩里黨稱之吳志

及邦清字鳳儀七歲居父喪如成人奉母竭盡子職母卒

擗踊廬墓動遵古禮年二十妻亡不再娶二子亦盡孝

妯娌化之一門雍肅郡守監司旌其廬舉鄉飲賓王庭

為立傳

袁志

徐彬臣字亦于好奇負志節崇禎丙子舉于鄉有司重之欲見不可得庚辰公車罷歸已抵宿遷聞友郁起麟病于費縣旅舍策蹇往視之起麟死經紀其喪遂染疾卒兩觀同歸人稱死生交誼祀鄉賢祠仲子齋方總角張溥奇其才以姪女妻之季子維以俠聞

浙江通志參吳志

卜年字翁洲崇禎己卯舉人時當鼎革閉門不與人事父通年邁備極孝養自奉節儉卹親黨不少吝著有言

志集

吳志參秀水任志

劉謙齋績學砥行負時名四方爭延為師以母病甃不往

終日一室母子相依人稱劉孝子李日華有傳

姚勉字仲堅博覽羣書兼習岐黃家言好周人急有負約

悉焚其券鄉里德之子敬明州守孫宗豫教諭宏賁州

佐俱能世其家學

以上吳志

張泰徵字萍止諸生崇禎末兄晉徵棄官歸泰徵亦不復

與試兄弟偕隱極友于之誼其後數世同居里人方之

義門鄭氏

秀水任志

沈瞻日字仲臨諸生父耀辰宦粵東值鼎革烽煙阻絕冒

險往尋數濱於死卒奉父攜弟以歸子京文字彥博品

高行潔工制藝及古文辭以明經終有藏笥橐

吳志

朱茂皖字子芾國祚孫崇禎初諸生甲申後棄去授徒以老著錄者百人從子彝尊與焉故人邱岳以子託浮海入粵轉徙閩南而死茂皖視若已子為娶婦教之成立詩文質而古如其人有願領集樵李詩繫

杜蘅字芳洲諸生友于兄兄偶病思烏梅餅假寐間見一人乘小舸雅似蘅俄聞剝啄聲而覺啟扉蘅果入袖出餅奉兄詫喜病遂愈時蘅客武塘適思兄心動而歸不知兄病也蘅嘗念母老禱於神願減算獲一第庶盡祿養竟齋志早卒子媚三歲而孤亦有至性遭母喪哀毀備至周貧急難樂善好施終其身著有金臺集草堂雜

著後並以媚子臻貴贈尚書

秀水任志

戚敬字秉肅白苕里人其先有名同文五代時號正素先生孝友傳家至敬母疾剖股進母已不能咳痛絕復甦將葬掘穴尺即湧泉親負土累若高陵結茨廬側恆望墓頓踊吳門之陷前鋒無敢犯者敬瞪目起曰吾忍離親墓耶集豪右子弟卒保里中稱無恙後公府聞將賞之不顧終身為文學掾未徙官徐一夔記

國朝

吳三錫順治辛丑進士中書舍人讓田宅與叔及弟捐置祭田義田以贍族為棗強知縣有昆弟爭產評訟七載

三錫以至情反覆開導二人相對大慟和好如初著勸

孝錄行世入鄉賢祠 浙江通志

董士昌字甯庵順治進士砥行好學然諾不苟嫻戚中孤

寡貧乏者為之婚娶朋友有急解贈無怙色歲歉倡捐

以賑民間婦女為亂兵所掠出金贖還之知陝西平利

縣卒於官 浙江通志 參袁志

張瀾國子生好施與康熙九年水災米騰貴倡行平糶之

舉全活無算施茶四十年濬河築橋路皆盡力為之祀

鄉賢祠 浙江通志

孫鍾瑞字子麟幼以友讓稱甲申後精探濂洛淵源以主

靜為宗律身嚴擇交慎誘迪後進娓娓不倦歲饑賑活

甚眾生平周困恤喪不勝殫述著有聖學大成可人集

易學心符等書 秀水任志

朱彝敘字範臣茂時子拔貢生少負雋才為張溥如陳子

龍諸人推重奉父孝先意承志至老不離左右父病醫

莫效有方外踵門療之旋不見人以為孝感父歿時彝

敘年已七十里人王庭題贈有云七十而慕純孝何疑

子建子貢生著闕里記儀禮喪服考孫丕或進士有文

名 吳志參 伊志

沈綰縣學生父廷勸為欒城縣時平清河之亂有婦女被

繫者勸父請於主將咸得釋祖遺祭田倡立條議凡讀書膏火及貧老鰥寡孤獨者給之以親疎為差入鄉賢

祠浙江通志

何漢偉字君階幼遭亂被掠得釋借兄尋父骨以葬嫡母曹病刲股肉以小鑪就牀側煮之曹於昏迷中聞肉香而甦索食一啖而愈事生母一如事嫡嘗病自恐不起呼子檢諸佃逋券焚之又有陶宗恒居父母喪哀號不欲生既葬先後各廬墓三年嘗有羣鳥數百啾鳴松柏間若助其悲哀二子嵩崑為兩兄後子處終其身雍正十一年何與陶並題

旌浙江通志參伊志

崔上煥字建章父千戶某為同僚所陷擬戍邊上煥年十八走京師五擊登聞鼓刺指血書寃陳當事天寒血凝不得書痛哭引佩刀斫指指幾斷書上竟從輕議事嫡母張生母朱皆孝謹由吏員授思明經歷終甯洋縣祀

鄉賢祠伊志

鄒世麒字魯傳考授修職郎弱齡喪母徐號不止父宗仁諭以大義始節哀父坐臥一小樓日夕侍奉有乳燕數百羣巢樓下人異之名百燕樓父病衣不解帶顛天願以身代及卒擗踊泣血絕而復甦事繼母屠亦孝迨葬有白鶴一雙飛遶墓上人咸謂孝感慕義好施終身不

倦卒時猶以捐修崇聖祠屬其子成之著有西村詩草

浙江通志

婁光曜字君政好讀書樂道人善而隱其過少時嘗有寇

數百人突入其村驅婦女鑄置古溪庵光曜與同村沈

某募鄉勇逐之出婦女護還家康熙乙酉舉鄉飲賓

伊志

婁承康字安生康熙間歲祲屢捐粟設粥以食餓者早疫

則手丸藥以療之鄉人某將鬻其先世之墓地於人承

康憫之以金購其地而誡子孫永保其墓夜夢老人來

謝曰我子孫不肖賴君保骸骨陰德甚大君當大壽年

九十無疾卒

伊志

吳天俊諸生家貧力學性孝弟乙酉被兵時母姚病道路

梗塞無從覓醫乃泣禱於天割股以進一日盜至奪其

父臥具俊哀求不已盜怒擬以刃刃忽墜僅持一柄盜

驚愕去兄病廢養之如父終其身

吳志

錢國元字瑞芝母楊病篤醫不效顛天割股療之既痊復

病又割如初華德禮越人遷禾年十六母患心疾藥罔

效割股煮糜以進乃痊郡縣並旌之

袁志參秀水任志

沈惠纒字馨聞諸生少喪母哀毀如成人鞠于祖母馮馮

病刲臂以療馮竟瘥盜發其母殯蕙纒號呼于當事頓

顛出血匍匐上下三年而盜獲當事從末減不寘盜重

典蕙纒憤恚欲死屬異母弟善事父而已棄家遁子修誠長乃尋蕙纒歸遭父喪年逾艾哭聲人不忍聞蕙纒自母殯被發後終身哀痛不處內不飲酒食肉乾隆八年具題 旌其孝詩文沉鬱有三實居士集伊志參吳志及桑調

元傳

吳國楨字君益父敬源以落拓罄其家足成痿疾國楨服賈積漸饒凡可以娛親者靡弗至父愛博日置錢牀頭以供其戲又愛友人過談日具酒食款留使客不去父乘興意博而博意談而談恒嬉嬉忘其足之痿也以是臻上壽戚黨貧而死或無後者國楨曰於我養於我葬

無倦容父沒乃遨遊名山曰吾向者辛勤數十年徒以

慰父耳今老矣安能疲精神於阿堵中為子孫計哉後

亦以壽終

伊志

張作霖諸生刲股治母病創未合越一日遇道者曰我知

汝臂痛有藥在方拜受忽不見敷之立愈

吳志

朱良字恒夫早孤事母孝家貧甘旨必具母喪哀毀骨立與兄不析箸婦亡不再娶讀書潛心理學有醕儒之目

知縣王廷機旌其廬

秀水任志

屠英康熙戊子副榜知井陘縣遷知灤州居官勤敏歸田後敦本睦族捐資修康僖公書院

吳志

陳王愉字怡靖知府史載重修學宮王愉首輸數百金以

襄其役族兄某負客三百餘金代償之助友人婚喪必

盡力巡按王元曦具疏題旌同時杜允陞字道周亦

好義里有沈某將鬻妻以養親允陞傾橐濟之得不鬻

吳志參秀

水任志

鄒模字景巖五世同居寬厚好善延名師訓戚黨子弟多
成名歲凶出粟賑濟其孫塚以孝行稱

卜玠宣字電章四歲遭回祿失父所在號呼赴烟焰中攀

其父捧祖像以出人嗟異之長工詩文舉於鄉著有冷

溪杏軒諸集

戴樹屏字集宣國學生事父母曲意承志有疾衣不解帶

嘗割股以救父母疾操行端謹族黨有急必調著有望

杏軒文集子宏濤孫露俱有文曹德望字渭公母疾亦

嘗割股進諸昆弟困乏者輒助之

沈選文字聞瑤國學生善承父志讓財與叔偕弟同纍白

首無間言而持躬凜凜不苟諧世金士龍字雲生年七

十時事九十老母彌謹不怠撫弟姪多成立鄉黨稱之

朱元字子肩諸生七齡喪母以失遺像每夕冀形夢寐積

想五十年一夕夢神謂曰當使汝見母有姪涓尙幼不

知繪事忽言夢大母遂援筆成像宗黨詫爲神肖事繼

母孝撫諸弟友愛分產推腴取瘠諸善事力行不倦

盛烈字載揚號竹坡廩邑庠貢成均父孝廉藻早歿悲不

逮養事寡母陶氏有孝聲勤儉起家修宗乘增祭產贖

族姻康熙丁亥戊子間歲常歉開困貸鄉里不責其償

居聞湖濱課農暇扃戶喜聽讀書聲故有子七人名多

登士籍

桑調元撰傳

盛支燧字恂如幼孤母陸苦鞠之貧不能從師乃助母晝

夜紡績以易米母子依倚二十餘年雖困甚不受人周

恤湯之旭為立傳

以上吳志

葛天麟字雯倬歲貢生性好義嘗以府城水道淤塞請於

郡守佟公倡捐開濬民便之生平急公類此弟天鳳貢

生天鵬麗水教諭子洵字懷古進士授南康縣有惠聲

涵字容度舉人以年老

特恩授國子監學正銜

吳志參伊志

陶德信字季彝父歿終喪不離殯所事母一如事父知府

閻堯熙嘉其行舉鄉飲賓

吳志

王孝子失其名字子勃號又陶穉祿失母垂四十年子勃

隻身走萬里歷諸艱訪至陝之華亭詢父老得母骸骨

負之歸任儻作王孝子入秦記查昇陳奕禧皆有詩紀

其事

伊志

沈修誠字辭立父蕙纒避家難遠遊母高口授以經書語及父修誠輒飲泣發憤力學時母居城祖依叔居郊外隔十數里往來定省無間嘗除夕大雪自郊外歸陷泥淖中不能起忽有攜燈掖之者審視無所覩人以爲孝感補諸生聞父在燕徒步三千里勸父歸母病篤籲天請代父歿哭至昏絕乃甦修誠善詩古文慷慨有經世才終不遇乾隆九年題旌伊志

婁東字載陽父患疽醫云毒已陷東卽以口吮膿盡見血而疽愈母瘋醫示方必得天目山海風藤乃可救藤在山巔至難取東卽奮然往足繭萬山竟得藤療其母父

王復病軟脚東侍湯藥十餘年父卒母又病時家失火東從烟焰中負病母出竟無恙逮母故廬墓不肯歸或勸之東曰吾舍親何適也旣而病革欣然曰今而後始得長依父母矣方東葬父母時天雨東呼天哭天爲霽及廬墓有鵲數千來巢墓木人皆以爲孝感乾隆五十年

請旌入忠孝祠伊志

陳紹賓字茂章父洪銓患脚疾危甚刲股以療得痊雍正十三年九月事伊志

屠世芳字英發三齡失恃事繼母張孝父嬰疾衣不解帶者半年籲天願以身代父夢道人授以服貝母法乃得

瘡繼母歿撫幼弟弱妹體恤備至乾隆九年題旌伊志

朱嘉謨字聖言國學生縣之濮川人嘗設義塾置義田結

放生社施棺施棉衣拾人之骸埋之留人之嬰育之於

行旅則夏蓋涼亭冬給薑飲孜孜如不及每舉為善最

樂訓其子沈尙書德潛陳布衣梓各為之立傳伊志

沈敦愨字禮存順天諸生父青崖以官事下獄敦愨詣部

訟寃事得白母卒創痛幾瀕死家人焚楮延燒幃幙將

及棺敦愨奮身撲救旋撲旋熾燎及衰經股體焦爛越

九日死乾隆十二年題旌伊志

王鳴鳳王朝陽皆幼孤皆農家子鳴鳳母患乳癰膿潰不

可近以口吮之竟愈後送母殯露處殯旁不肯歸村人

為結屋覆焉朝陽喪母哀毀不欲生將葬命妻守家自

蓋草舍於墓旁出耕入息積數十年未嘗離於是遠近

稱者此曰王孝子彼曰王孝子云伊志

王鏗字鳴和邑庠生住恩三庄翔字圩少孤母黃氏患寒

疾侍榻前恍惚聞神語曰汝母病非人肉不能療治頓

悟焚禱潛剖左股進母飲三日愈新纂

胡樹柵字藹谷諸生少孤事母鄭孝鄭沒寢食總帷者三

年雖疾病不飲酒肉有某售以屋歲入賃錢若干後某

貧且老樹柵還其券戚族中有倚以衣食者十餘年如

一日撫人遺孤至成立未嘗有德色所著有經疑性理
心解等種伊志

李璜字方玉以南河効力得通判銜歷惠州府建社倉權
本息數年間溢穀逾萬水旱有備守惠八年進南韶連
道造河橋以進行役家故饒璜為置義田五頃屬子孫
善守之刊有祠莊規條伊志

楊元龍字愷若性慷慨尚義少貧兄蚤世遺孤廷甫晬元
龍撫如子既自以賈致富遂以其財與廷平分之與人
交然諾不欺有以急難告必曲為之籌乾隆丙子出粟
賑饑給州同銜廷字陞遴亦孝友工書法元龍子建字

立三能承父志與廷相友愛無間言歲大疫倡同人為
掩骼之會收瘞無數與元龍同時捐賑者有張邦琪王
維新並貢生伊志

陳國祥字禹銓輕財好施有鄭道衡者代人貿易主某姓
虧折本三百餘金情急將自盡國祥約某姓分任代償
之某諾而食其言國祥慨然曰我雖貧何忍為德不卒
也盡括其貲本授之子煥字明上有父風讓產於弟舍
田作祭產捐粟施衣造橋修路當事表之以子徵餘

贈六品銜伊志

沈雍嘉字維章少習儒業念無以為養乃去而服賈藉所

入供甘旨父患溺不下醫罔効或云此非藥力可治若
 以人氣吸之當愈雍嘉卽以口吸吸至再三溺果下病
 霍然父後又病痢雍嘉年五十餘矣親自澡拭累月不
 懈事繼母孝謹友于兩弟無間言市米價傾廩米千餘
 斛貸鄉人不促其償後償及半念餘皆無力者併取計
 簿焚之子琳自有傳伊志

曹願學事繼母魏孝魏病篤刲股和藥進魏愈而願學以
 傷重不起臨歿屬妻汪氏曰善事舅姑弗負我志也聞
 者悼之年二十五伊志

朱克綏字慰蒼諸生父母歿哀毀幾滅性授徒京師有同
 里某父死邸舍克綏以數歲所積贖其喪某得扶襯歸
 撫弟姪修祠宇鄉里稱長者官給額旌焉伊志

王嘉魁字士超附貢生濮院人能詩兼工隸乾隆乙亥鬻
 田助賑又募人粟得千石全活者眾兄景瀾亦好施伊志

陶讓德字遜庵善治生乾隆戊辰出米六百石減價平糶
 庚午又出糶如前數乙亥助賑米六百石當官旌之又
 嘗承修文廟費白金一千五百兩一椽一瓦皆親理
 之諸宮贊錦有記王江涇之間店橋水湍駛讓德獨力
 重建工甚固性儉雖積贏萬畝自奉粗糲終其身同時
 顧應隆與讓德皆思賢鄉人家亦饒遇平糶捐賑亦出

米食其鄉人以自保太守旌額曰志存任恤學宮之役
隨讓德襄其事伊志

沈子章世業農而好善嘗歲疫施棺槨而尤以修橋為已
任竭廩寒暑經理匠料告募不足輒鬻產以畢其工遠
近鄉村凡修橋大小二百餘處人呼為沈佛子伊志

汪大紳字縉年舉人少嘗割臂肉療父疾有責其非者謝
曰固知身體髮膚不敢毀傷但見父病篤冀全生我之
身不暇顧我身耳聞者歎服伊志

張嘉猷字振緯太學生好任恤歲饑則收養所棄之男女
於道凡里中同善同仁會及修賢良節孝祠等舉每任

其事不辭勞伊志

莫世洪字對揚本姓施歸安人寄籍秀水以副榜任樂亭
知縣世洪早喪父母無期服之親與再從叔同居事之
如父家事一稟于叔終其身無私蓄人以為視古人大
功同財之義而又過之伊志

陸起鳳字宏勳柿林人母梁氏早世父景宣懷才落魄游
歷都中關外十餘年起鳳事祖孝嘗聚徒於鄉距祖父
母居七里無間寒暑每日五更奔往問安執爨浣衣衾
滌廁踰事畢復之館教讀夜攻醫書館穀所入悉養祖
父母喪葬盡禮父倦游歸善怒起鳳勉承色笑必冀父

喜而後已

新勝瑣志引馮浩橫塘紀聞

沈元龍字在田紅墩村人母愛少子來鳳析爨時祖遺良田悉讓之守瘠產不及頃以力耕起家弟歿時恤其孤鄉里有詬詈至門者閉戶不與較壽九十終子繼賢生子七最幼曰德璋字樹銘繼賢歿奉養生母李晨餐夕膳未嘗委諸同母兄嫂輕財好施道光三年水妻兄王居法五莊正宿圩地尤低窪田廬淹沒德璋時家已中落猶復月饋薪米親申感之

新勝瑣志

李淦號春浦乾隆癸卯科舉人天姿穎粹事親以孝聞父嘗嚴冬痢下懼中寒蹲身舒兩臂於圍器用資柔暖與

同里楊未孩王碧山結愛吾廬文社有師竹齋稿

參梅里志

橋李詩繫續

陳徵餘號香圃以舉人挑選授遂安教諭生平績學砥行事父母以孝聞友于之誼至篤里黨稱之

于志

吳耀本住南呂字圩年十七父故哀毀幾至滅性撫弟妹婚嫁母患寒症垂危籲天求禱願減已算益母壽跪拜七晝夜不已卒至刲股以進母病獲瘳有堂嫂方氏撫週歲兒守寡不時周其薪水方氏得以終守母歿哀痛一如父喪年五十三無病而終

于志

唐桂森庠生事父鳳池克盡孝道父沒京師聞訃哀毀逾

恒母病痢桂森剖左右兩股和藥以進母病獲愈

于志

岳鑑諸生經五子宋岳鄂王裔孫至性孝友沈毅有為郡

西郭外舊有岳王祠久燬兵燹鑑父觸目愴懷嘗以力

艱興復為憾臨終囑鑑必復祠祀鑑涕泣受命一木一

石銖積寸累歷三十餘年而祠成又殿後建啟忠祠傍

建支祠復官祭置祀田具祭器規畫周詳纖屑靡遺著

金佗祠事錄八卷乾隆五十五年將祖遺地三十六畝

坐落秀邑藏字圩捐入普濟堂作為義塚賦稅仍歸岳

氏完納嘉慶十五年奉

部議敘道光三年具題奉

旌

于志

薛灝祖君華嗣祖君德父體純灝承兩支咸得歡心凡服

勞侍疾養生送死俱竭心力父歿後隨祖客江西祖病

逆旅灝拜禱七晝夜有道士詣門予以藥丸曰病可瘳

數不可逃服此當速歸服之疾良瘳偕歸逾月祖病復

發而卒人謂孝感所致道光十年

旌

于志

高桂諸生弱歲即為祖母沈氏舐盲目復明父上達性嚴

訓諸子不稍假借桂婉辭解慰屢獲霽顏門內稱順父

欲建宗祠齋志而歿桂竭力營辦卒成父志兄松早亡

事寡嫂撫遺姪無間道光十一年

旌

于志

沈廷傑性孝友遵父母遺命自嗣曾祖父母以下一身營

葬兩支凡戚黨及幼姑弟妹窀穸婚嫁之事皆獨力行
肩克慰先志母病顛天跪禮經月庭蓮結實並蒂剖房
得丸如桐子服之而瘉卒年七十道光十四年 旌于志

田政號揆伯事親曲意承志有疾衣不解帶母年七十時
病劇刲股和藥以進遂得愈母年過九十歿嘗繪二親
遺像供臥室中朝夕焚香時食必薦孺慕至老弗衰有
弟分析後貧不能給時解衣推食每云薄待我弟即欺
我親鄉黨宗族皆稱其孝弟焉 于志

卜昌增生幼有至性祖母老而失明出入扶持不離左右
父有疾禱於神願減已算以延父壽父歿哀毀骨立事
奉邁母敬事寡嫂姊歿撫甥成立里黨賢之父欲修祠
墓未果積館修所入以完父志族有力不能葬者出資
助之歿後沈侍郎維鏞為銘其墓 于志

楊伯塤號古漁性慷慨尚義母病篤割股以救得愈奉養
數十餘年曲意承志里黨稱之 于志
沈連幼失怙母以祭墓墮水連躍入水救母出得無恙與
兄某先經分析後兄歿家貧教養兄子成立並為經營
婚喪諸費著有綱鑿撮要若干卷 于志

顧綺字雲高父秉良疾日侍湯藥父歿數日水漿不入口
母俞患瘍以口吮得愈母沒晝夜哀哭越五月卒 于志

顧連奎家貧不給鬻餅餌於市以養母負擔出外雖遇風雨必歸侍母側無一日離左右穢器必親自澣滌母病輒憂惶焚臂香以籲天病愈輒喜晚沽酒進食則執板歌俚曲以娛母有老萊子風母歿哀慟不釋葬後終歲不樂鬱鬱以終

于志

陳世楨邑庠生性至孝假館於外越數日必歸省母疾割股進時大暑不去衣恐人知也次年母復病復割又獲愈事嗣父母亦以孝稱

于志

吳大中務農誠實寡言父疾寢室狹隘臥地以伴長年不怠病甚割股入藥父病頓瘳父歿哀毀盡禮妹適人家

貧乏恒飲給之

于志

戴永智幼業儒賦性敏穎比長以親老家貧輟讀就買供旨甘罔缺父世臻患足疾延名醫胗治不惜厚資半載父足愈母馬氏驟膺曰疾虔往天目天竺諸山禱求獲劑而歸母日復明逾年兩親相繼歿永智哀毀盡禮並承先志建立二戴夫子祠於北麗坊復捐地添設新安義所房屋又買市廛以備歲時修葺之需卒年五十六

道光十七年

旌

于志

倪棟庭事親先意承志母病失血甚危日夕侍奉湯藥衣不解帶者彌月深夜焚香籲天願減己算以益母壽逾

嘉興府志 卷五十三
時未愈乃潛割左股和藥以進母飲之疾遂瘳人咸以爲孝感所致云

于志

陳振聲字集齋庠生偕其弟太學生延聲能承其祖元朗志樂善不倦凡郡有興建及恤嫠普濟掩骼等事莫不踴躍奮義其大者爲義莊爲育嬰堂堂舊在郡西門外嘉慶三年移建於城東常豐坊振聲等卽舊堂置接嬰堂收遺孩而送育於常豐坊道光六年振聲子宗栢復建爲育嬰堂歲收嬰孩約三百口爲人抱養爲子女者歲嘗百口

于志

沈芳性好施與事母以孝聞同里陳戴煥陳兆麟陳錦楊

應宗沈方慎顧渭珍皆能爲善於鄉凡遇地方善舉無不踴躍贊助由族親以推於鄉里闔鎮皆稱爲善士

于志

楊汝塗沈維鑑並住王江涇道光三年捐貲助賑奉

部議敘

于志

于楷號蘭林邑庠生住王江涇樂善好施遇疫肯爲掩骼之舉著有地理錄要三卷

于志

王承勳監生住新塍鎮凡修建橋廟必剏首募捐無難色

又同鎮監生許汝賢捐賑五百兩亦邀議敘

于志

岳傳經號半農濮院監生力行善事每遇恤嫠接嬰同仁惜字諸義舉皆竭力贊成偶值偏災倡捐施濟又建立

宗祠捐置祀田七百畝藉調戚族于志

陳柟內閣中書與同里陳櫟周燮俱歷次董辦賑務並天

寧寺造修工程櫟官江蘇布理問燮官泉州通判于志

江天錫監生住新塍鎮好行善事會獨力建二橋曰汲水

曰南橋冬令製棉衣施捨歲以為常于志

華觀光號如陵住王江涇州同職銜年百有一歲百歲時

里人斂金為壽辭不受云吾衣食無缺多金無用不若

以此辦地方公事里人即以金修治街道至今稱其里

為百歲街于志

王元相字佩臣自江蘇移籍來少游九華山途次捨包裹

發之白鏹與記籍坐待良久有踉蹌來索者問數符歸

之晚歲勤劬如少年未明即起人定始息遇水旱凶札

為眾倡先施與延師教子弟歲時伏臘有受代者故無

曠課為善讀書後人相繼登第子恩壽官部曹有孝行

已請 旌表吳江沈曰富贈序

盛堯春號墨莊以諸生保授教識歷署新城太平縣訓導

善賤奏浙撫梁實常王植吳文鎔辟佐幕府同治癸亥

羣盜如毛仗義乞師微服渡錢江懷檄謁左帥左允所

請乃航海歸以勞瘁旋卒新纂

陳端治號念農縣學生援例署武康縣教諭濟困扶危臨

事勲懇道光丁未河南饑卽輦金前往開封府設局散賑有遺金就祥符縣治崎嶇山路成街道二行旅便之其權學官也捐俸修尊經閣又於己酉水災辦賑出力累膺保擢至鹽提舉新纂

陳茂垣字壽卿梅孫道光癸卯科舉人內閣中書己酉水災散賑邑令江忠源器重之凡粟糈乳嬰梁涉樁露諸善舉輒解囊仍復隱託歲未暮踵門至者絮凍哺饑動以千計丁未河南患旱戊申湖北患水均糾合萬緡邀陳廣文端治俞茂才汝銘前往不欲人知戊午己未間郡城至嘉善平湖諸水路花柳歌吹傷風敗俗赴省會稟大吏禁絕尤為除苛解媯在京供職漢票籤額外中書舍人踰年卽歿旅邸節陳氏家乘傳

沈槃字寓谷庠生中年後患橐駝疾無志功名孳孳為善向有同善會濟士族孤寡後窮發日增隨同陳中書茂垣趙明經華恩推廣其事擇冷仙亭創行惜字會朔望親自焚化又舉敦化玉成兩集凡無力從師者每月赴集課之幼稚溫經成人講藝造就者甚多新纂

陳功安郡庠生原名功吉孝于陳元朗元孫宗祠失火隨父往救火勢將及急負父出又侍父從譚仙嶺歸中途遇風折櫓舟將覆奮身入水緊拽船舷擱淺岸得無恙

父病露禱致疾父歿痛不欲生越六日卒咸豐八年請

旌節題
奏稿

周城字一成號金浦誠樸寡言不近時趨集先正格言曰

範身錄刊行

耘庵詩話

屈有成號慎齋先自吳江遷王江涇家赤貧挈幼弟貿易
荆楚妹適沈早寡舅姑欲奪其志乃迎歸持門戶沈時
來詬詈至遁入尼庵為置產贍養後謀歸娶會所親負
逋三百金不得值傾囊貸之爰至三十七始娶婦劉生
子佩璋亦篤行善再傳至慶墉茂垣異母出友愛無間
庚申避亂猶賃屋前後以居墉歿垣悲哀盡禮同治紀

元當事以懿行聞 詔旌悌弟著有招鶴山房詩稿

新纂

沈德馨字書徵號秋圃割股愈母疾居萬安橋咸以孝稱

新纂

姜承烈字綠堤諸生家世寒微宅心和厚苦志力學雖暑
夜不忍撲蚊嚙甚一拂而已規行矩步出入不平視不
嘖笑母卒不脫衰麻茹素無言葬即歿年未及壯咸豐

八年請

旌節
新纂

楊之鐫字怡村少失學為人主租庸性孝弟不娶兄弟死
贍其寡嫂弟婦既又力葬祖父四喪心力益瘁庚申賊

至被六矛匍匐以免扶至祖祠死得

旨賜卹

浙江忠義

錄

沈德鴻住王江涇吳江糟字圩咸豐庚申賊至鴻僅十四齡自書塾逸出聞父維錕被擄因佯裝賣錫果狀出入賊中幾瀕於厄卒訪得實迎歸奉養同治年奉江蘇巡撫

撫奏

旌新纂

張淮字錦華粗識字為人收田租父邁心疾性嗜羊市卦者不食必特殺以進思出游則賃肩輿隨以待窮日而

歸及疾篤冀刲肱療之父卒死

錢泰吉作傳

張廷標百福巷衣工節傭所入為弟納婦終身不娶母年

耄常效市中兒嬉戲狀以娛母一日隣家火負母出急

遷祀先之具不及他器用羣歎為合禮

同上

嚴焯字心甫例貢先世長洲趙姓嘉興嚴順吾貿易至金墅攜其名文龍者為繼子居北麗坊月湄南數傳至焯樸誠謙謹雖負販厮僕與婉言無忤色邑北鄉梅家蕩巨浸也風恒覆舟釀金築堤冬代貧民贖棉衣服膺李建章願體集閱歷所及附刻新增并刊力行彙編見聞

錄等書勸世

節張清泰撰行述

褚榮字芸門國學生習申韓幕游鄂客居麻城縣周家岡咸豐三年粵匪躡鄉間榮宿草屋中賊瞥見曳之走忿

甚持鋤擊賊仆地忽門外賊虜至白刃交下遂被害事

聞 詔許祀鄂浙昭忠祠錫江蘇候補道杜文

瀾受教育恩賜封三品

新纂

陳其耀字笛樓署江蘇丹陽縣典史卸事寓蘇賊警至奉

母避川沙城陷時裸負母匿蘆葦間荆棘傷膚如刻畫

旋為賊得不屈赴水死

浙江忠義錄

溫瑞綸諸生援例以巡檢候補江蘇粵逆擾時派查揚州

府天甯門城陷殉難事載揚州府志

新纂

周邦鎮字海樓議敘布政司經歷閬川鎮人庚申夏遇賊

不屈瘐死郡城時其家傭朱同被擄為藁葬於北門官

倉旁地樹木識之克復朱得脫以語其嗣作明訪瘞處

則地已為官屋樹亦無存走告於官立石以志

楊象濟撰周君

藁葬記

馮寶三字子仙祖岱以文庠生精拳勇再傳至寶三幼習

鎗法結游俠咸豐己未薦薦揚宴庚申郡城陷投三塔

灣張總統玉良營張師徒翫寇潰退石門寶三泗而免

往見石門守將吳再陞復舉團練扼賊羔羊堰天花蕩

迨再陞師奔而石門潰寶三乃潛歸鄉仍柵浜而守保

護新陞鎮不數月為鄉官誘縛送賊賊愛其材武釋而

遣諸許以金幣官爵寶三歸而殺賊如故賊銜之甚一

日微服過陡門為賊覺執而殺之

鄭鳳鏘新
滕瑣志

聞人填武生咸豐庚申春補試武闈試未已留撥操練局

二月二十八日省城陷陣亡

新纂

張松元宿字圩農民庚申郡城陷分踞閩川鎮賊日抄掠

松元率眾拒於謝河橋獲鋤鉤戟集田器為武庫相持

旬餘五月初三日賊屠至被縛剝而死

新纂

文苑

明

陳濟成化丁酉舉人授應天府學訓導遷鄭州學正再補

萬安教諭博學有達識談經史元元本本條舉靡遺弟

子聽者忘倦終蘄州知州

徵獻錄

范璋字朝秉成化庚子經魁甲辰會試副榜學問淹博天

文地理著龜占候靡不通曉著有靜遠堂集

秀水任志

范言字孔嘉嘉靖丙戌進士自蒲圻令改學博轉國子監

丞遷大理府同知致仕言博涉經史善屬文與里中彭

輅以文詞相頡頏范宗韓歐有體裁彭宏麗出入史漢

各負氣不相下說者謂彭橫肆而范馴謹著有菁陽集

劉志

鄒國儒字醕甫嘉靖乙丑進士愿恪有至行喜折節下人

不談人短以宿學授徒二十年始獲雋教弟子甚嚴肅

終日講席無倦容

秀水任志

仲春龍字原仁以國學生授文淵閣中書舍人善楷書能

詩文與李先芳莫如忠善王弇州稱其詩在襄陽右丞

間有九山樵子集

樵李詩繫

張正鵠字德中祖淮性忠實國子生考授啮峨知縣父桐

號鳳岡少好讀書外祖戴經無子鍾愛桐藏書千餘卷

授之晝夜攻苦益淹貫年二十七以瘵卒正鵠母諸同

里副使傅女也正鵠生而警敏傅教以經史為剖析疑

義靡不悟稍長能文中隆慶辛未進士授太常博士遷

南兵部主事乞終養補刑部主事歷郎中

徵獻錄

陳萬言字居一繼徵子萬歷癸卯領解已未成進士授檢

討為文深思剏闢力還正始兼通篆籀奇壬數學著有

研園集

分省人物考參徵獻錄

宋鳳翔字羽皇萬歷壬子順天鄉試第一洞明經書理奧

文有根柢一秉先正四方以文投閱者不遠數千里而

至操選政與艾南英齊名

徵獻錄

李培字培之從唐樞王畿遊究性命之學以歲貢任上虞海甯新城學博所至講學課士多所造就終龍南令著有水西集項元滄休甯訓導遷英山教諭敦學行誨人諳切得善誘方歸里後弟子不遠數百里就學其家

秀水任志

沈德符字虎臣自邠子萬歷戊午舉人生稟異質日讀一寸書自兩宋以來史乘別集以及國家掌故往往能敷陳其本末網羅放失勒成一家言頗資考證事母孝撫姪如子不附黨援孜孜以汲引後進為任著有清權堂詩文集弟鳳字超宗負雋才早卒董其昌謂自鳳亡余

書法無可傳子克家亦善讀書

明詩綜樞李詩繫參吳志

屠肇芳字培之性敦樸文本經術兼工書初家貧服賈事親天啟丁卯舉於鄉年踰四十矣司教蕭山與諸生約三條曰根本曰風節曰學問一時士敦實行薦擢文水令甫四月告歸著有四書孝弟編正文體說真寄亭臆

言太極圖說周易大旨

秀水任志

項元汴字子京博雅好古不習舉業萬歷間被徵不起席豪賞天下法書名畫鼎彝玉石諸珍祕不脛而至獲古琴有天籟字遂以顏其儲藏之閣辨別真贋析及苗髮通八法六法書出入智永趙吳興畫山水學黃公望倪

瓚尤醉心於倪得其勝趣兼善墨竹梅蘭同時婁東王世貞蒐羅名品亦不遺餘力然不逮遠甚嘉隆以還宇內稱鑒賞家第一每以私印鈐書畫纍纍滿幅或識其價若干於尾又精心計嘗選匠授意造器具凡几榻架櫃奩盒之屬鐫以銘款皆緻巧絕人二百年來天籟閣所藏流散人間往往採入

內廷屢荷

天章題其遺蹟實異代稀覯之榮也子德新字復初亦工繪事

得荆關法兼善寫生流傳少人得其片紙如拱壁

姜二酉韻

石齋筆談參徵
獻錄及新纂

項道民字民逸元淇子幼韶慧能詩長益駿發時馮開之

李伯遠皆負盛名道民鼎足其間風華掩映人方以遠

到期之忽一日盡焚制藝逃於禪石磴繩牀終朝諷唄

不輟著有春暉堂集

樵李詩繫

項聖謨字孔彰元汴孫薰習風雅尤長畫董其昌謂聖謨

樹石屋宇花卉人物皆與宋人血戰山水兼元人氣韻

所謂士氣作家俱備者嘗自寫行看子自少至老題曰

九十九變相圖布景各極其妙又作長江萬里圖最雄

俊朱彝尊稱之至今流傳者短幘長卷上呈

乙覽輒荷

宸題兄子奎字子聚號東井亦能學元人山水兼擅蘭竹好用

秃筆水墨有晚盥堂詩學書畫譜參張庚畫徵錄及新纂

卜不矜字竽公大有曾孫諸生性恬雅隱居嘯傲以詩文

自娛尤工曲律著有復觚集八卷併杖頭錢鴛鴦扇南

北諸劇

姚澣字公滌一字北若思仁孫廕太學生質直有至行好

施急友難千金無吝色崇禎丙子就試南都大會東南

名士束其文以歸有國門廣業之選一時稱月旦三試

不第遂隱居著述積書四十櫝部分類聚廣荆川左編

集漢至隋文為八代文統

吳元震諸生有品望為生徒模楷舉鄉飲賓季子治縣學

生負文譽貧無寸椽寄跡蕭寺積束脩所入以經營父

葬不以累其兄著有表章聖學四卷筆記六卷又諸生

唐文選字掄章有文而孝友知縣湯齊嘗表其廬子堯

岳年十二補弟子員博綜羣籍工詩古文辭及書法著

有剝廬集白苾吟孫珏亦以文學稱以上秀水任志

姚繼華字鳳亭諸生性坦直博學強記著書經詳解禹貢

纂要九州圖說災祥占驗考諸厯纂要等書吳志

卜世臣字藍水磊落不諧俗日扃戶著書有挂頰言玉樹

清商多識編樂府指南卮言及山水合譜孫休有傳袁志

沈慶字天鹿少孤母胡授之讀及長博通羣籍值明未棄
 舉業無進取志戚屬皆開府貴盛欲表薦之不就時與
 陳繼儒李日華諸名宿以詩酒相還往當事聞名造其
 廬謝不見家本饒初伯氏欲規估之慶泣請於母盡讓
 其膏腴願以薄田奉母守約終其身後伯氏窘且老無
 後慶仍為收瘞曲盡其敬尤長於填詞康熙四十五年
 命詞臣選歷朝詩餘錄慶數闕

香樹齋文集

朱茂暉字子若諸生以祖廕授中書好博覽經史諸子百
 家靡不兼綜古文詞元本六藝韻語不屑蹈襲前人尺
 牘日可百函華亭周立勳嘗云讀書能化臭腐為神奇

惟禾中朱子有之所輯禹貢補注徐孚遠謂當與程泰
 之傅同叔並垂著悔在先生集

靜志居詩話

朱茂曙字子衡國祚孫大競子為人恂恂儒雅篤於孝友
 取子進退介而有節國祚當廕一孫以子茂曙不受叔
 某富無子以次當嗣又辭之悉以推諸弟浙江巡撫董
 象恒友婿也勸往不應少善屬文工行楷書能畫山水
 竹石為董其昌所稱明季棄諸生經史外旁及天文醫

卜諸書盡通其術

浙江通志

錢龍珍字松浚生而穎悟沉酣六籍著毛詩正義八卷解
 歌二卷臆易三萬餘言做呂東萊大事紀邱瓊山世史

正綱撰史編史綱又著家鄉禮節四卷黜浮崇古鄉里取法焉不事生產好施予生平無怒色卽非意相干怡然也以子江貴贈奉政大夫

秀水任志

萬祚亨字元嘉諸生壽國子博學勵行中歲棄舉業耽情

山水工于筆墨杜門二十年著有臥隱閣集子人望孫

必大並善畫而必大子宏道字正思山水摹董巨筆意

人尤重之

秀水任志參畫徵錄

吳洪珍字冲霄諸生性孝友與人交以誠工古文辭後以

子鑄登第遂不應試博考史鑑古今人姓氏分類成編

年臻上壽三舉鄉飲賓

秀水任志

陳泰甯字坤益學士懿典子少博學遇異書輒手自鈔寫

積數十冊先懿典卒著有尚書講義十卷

吳志

項眞字不損縣學生兼綜古今文爲李長蘅聞子將所激

賞書法絕倫有御史巡按至浙試士子文經書法題外

俾作一詩眞詩就以行草縱筆寫之御史拔第一益自

負儻募不羈坐事瘐死于獄

朱茂暘字子蓉縣學生擅詩文古風豪俊專師太白評者

比之出水芙蓉兼工書法著有鏡雲亭集及雜著若干

種

以上明詩綜

戚中岳楷法與文徵仲頡頏畫宗巨然筆力蒼老較之吳

仲圭略減清潤耳又朱素臣字去塵諸生善寫竹築室
幽篁間與名流觴詠其中曹侍郎勳贈句云道人癯似
竹遂自號竹癯

秀水任志

國朝

施博字易修爾志子明季諸生少篤學不事進取讀易至
家人卦悟聖道不離倫常用乃一以務本為學教人
躬行為重不尚空談遠近有志斯道者聞聲踵至聽其
講論罔不感發平生遠標榜未嘗入社著姚江淵源語
錄講義若干卷

吳志參秀水任志
案通志作施靜誤

俞汝言字右吉少孤貧力學具經世才乙酉後棄諸生嘗

館鶴洲朱氏甯都魏禧來寓倦圃曹氏曹朱戚也禧因
訪汝言與論古今人物治亂得失窮十晝夜禧為傾倒
族父某富而無子汝言次當後族人或覬之遂謝去出
遊燕趙韓宋衛閩粵及雲中雁門胸次益廣歸而益著
書至兩目盲猶令人日誦書有所見口授使記之至老
不衰既沒禧表其墓著春秋平義十二卷漸川集十卷
京房易圖先儒語要明世臣考寇變略凡十數種弟子
吳之機字達可好學著述亦甚富周人急雖屢空勿顧

吳志參盛
百二文彙

蔣之翹字楚穉少工詩採禾中先正諸咏為構李詩乘家

貧好藏書明末避盜村居收羅名人遺集數十種選有

甲申前後集又嘗重纂晉書校注昌黎河東集吳志

曹之璉字仲玉諸生博古力學敦品誼舉德行授徒數十

年及門之士多所成就纂有格言諸書行世秀水任志

蕭瑛字荆玉崇禎庚午副榜教授生徒多名士子堦字賡

六訓導敦行嗜古兼通醫理

施永圖字明臺由貢生仕至鳳泗道歸里後著五經四書

慧解歷代紀異及醫方本草諸書以上吳志

鍾嶽立字宣遠前貢生弟于宮字恕雯諸生並長于文學

有聲望嶽立有信志堂彙子淵映字廣漢負奇才年三

十餘囊所著書數十冊入都與長洲汪琬辨論六經諸

史之源流詩歌古文辭之利病與自唐以來諸大家之

門庭曲折口哆目張洋洋纒纒數晝夜不休琬欲傲以

所不知而廣漢性甚敏識甚高卒莫能難越數日廣漢

暴歿琬為作哀辭嘗欲注五代史彙未成遺著尙夥吳志

參堯峯文鈔

陳忱字用直順治甲午副榜少孤力學為詩文質于曹侍

郎溶朱檢討彝尊得有指歸著誠齋詩集不出戶庭錄

讀史隨筆同姓名錄諸書子建燿諸生醅謹能文廷煒

有傳

毛延芳字石墨康熙庚戌進士善書法知新淦縣有惠政歸里後恬淡自得寄情詩酒以終

陸泐字秋芳九歲能文十歲善詩歌聲譽出老生上子霽字文端康熙乙丑進士知榮昌縣歲早捐俸以賑

吳讓木字交樹樂清教諭耿逆亂後學宮鞠為茂草讓木興復黌舍一新遷溫州府教授著有石堂詩集以上吳志

沈騅字無期少有雋才從婁東吳偉業華亭李雯遊文譽馳遠近以諸生教授三十年門下皆知名士

徐世湜字中粹尚書必達仲子性孝謹事尚書得歡心訓子姪必以禮讀書多手鈔所著有易參及明季本末諸

書以上秀水任志

陳彭齡字耆庚德元曾孫工文章與卜彭年相砥礪貧而好學蓬華蕭然不改其樂陳鍾字西音貢生博於經史

尤篤倫紀友愛諸弟鄉黨嘉其行吳志

嚴勤字辰臣與兄觀弟臨有三嚴之目順治辛丑進士留心經濟議論古今得失如指掌著有讀易堂文集觀字

質人以貢授訓導性孝友績學能文著有禹貢輯要臨字覽民以貢授中書五經三史能暗誦著醒齋集吳志參秀

水任志

張雍敬字簡庵初名珩縣之新塍人多學尤長推算所著

定歷王衡朱彝尊序之盛有推許語見經籍志詩豪俊

曰環愁艸又善填曲兼工畫

伊志

宋瑾字崑友諸生研覃濂洛之書與陸清獻公隴其為友
序其四書大全授徒講學著有習是編教學圖又有養
正編識小集禮記集註治略芻言思位錄嘗遊闕里見
三教堂駭甚遂啟衍聖公毀之著闕里紀言後掌紫陽
書院教闡明理學有會講問答方正學年譜

沈大詹字伯遠修撰自邠孫與弟大遇字仲謀並有聲望
時三吳文社競起雲間婁上爭相延召大詹幾為黨累
晚年除遂昌訓導值耿逆亂變服匿深山為邏兵所得

叛將強以冠帶佯病不食卒

以上吳志

馬上嘯字雪侑諸生父呈翼習青烏家言著有平洋元解
上嘯敦行通經善說春秋兼工詩著有詩法火傳左右
編及詩文集二十卷祀鄉賢祠子壽穀字佺其康熙壬
戌進士授武昌縣著有經書闡旨及瓶山唱和詩孫湘

有傳

任志參伊志

沈善世字為九詩有雋才尤工於集杜藝林傳誦之同時
有孫昭字方回與善世相唱和亦以詞賦擅名

吳志

姚東明原名節字竹友頤下有癭晚自號贅翁任俠嗜酒
善畫能詩為朱彝尊門下士壯遊兩川三晉秦楚燕趙

南及百粵交益廣詩益豪邁著有弄酒餘閒集十四卷

吳江鈕琇令粵東以廉吏稱卒後幾不克歸櫬東明傾

橐助之弟元貞字梅友亦工詩有無可亭橐伊志

王槩字安節寓居金陵畫山水學龔半千善作大幅雄快

取勢過於蒼健而沖和不足也善詩文有澄心堂紙賦

稱於時槩兄名著字宓草以花鳥擅名得黃荃法香祖筆記

參畫徵錄

屠友良字伊和洪基子康熙癸卯鄉試第一庚戌進士知

扶溝縣政務寬簡以德化民解組歸四壁蕭然舉瓶山

詩會以風雅為倡酬士林宗之吳志

周蘭森字馥佩歲貢生工舉業兼古文辭駱琦字允文恩

貢生敦孝友讀書寒暑不輟琦與蘭森教授生徒並和

易善誘人人樂從之又卜垣字僧坦居秋涇里有學行

授徒皆知名士富於文為時傳誦吳志

卜休字人木少孤十歲能賦詩經史過目不忘既長博極

羣書雖稗官野紀及方外藏典靡不研究善談論與人

辨古今治亂得失皆獨抒己見不少阿附家極貧晚喪

子每隆冬風雪洒窗擁敗絮從容展卷恬如也詩宗唐

音弟子李元繡收其橐陳梓文集

盛大鏞字匏仲歲貢需次訓導好風雅有別業在南湖旁

曰匏菴集里中人為竹林詩社其詩初沿七子派後學皮陸晚乃似放翁常識錢太傅陳羣于總角時年八十

三卒伊志

盛楓字黼宸明觀察萬年元孫未十歲以意為詩文不屬草頃刻盈數紙弱冠舉於鄉出睢陽湯文正公之門游京師諸名宿皆折節與交屢不第歸而閉戶著述念故鄉文獻無徵搜討有明一代人文自公卿以逮山林隱逸各為之傳題曰嘉禾徵獻錄本末犁然蓋楓少師桐鄉顏鼎受長而習聞舅氏朱檢討彝尊之論說故學有淵源性孝友尚風義補安吉州學正嘗一攝州事州民

樂稱其德所著尚有文集三十卷安吉耳聞一卷觀瀾錄

十卷子支焯等有傳李穆堂集參伊志

盛禾字既同天台訓導楓弟少游四方足跡所至凡川原

景物碑碣陵墓搜奇抉奧不厭詳考嘗述其見聞事迹

條分件繫積十數冊頗資掌故從子支炳字虎文以保

舉授知縣改淳安教諭能文尤工畫得北宋遺意伊志

朱丕戴字愷仲候選訓導年十四補學官弟子勵學能詩

從祖檢討彝尊最賞之檢討選明詩綜開局吳之慧慶

寺丕戴襄其役詩婉秀不為鈎章棘句隸書學曹全碑

可亂檢討真有亞鳳巢詩橐藕花居詞從子胡考字一

峯諸生少穎悟年甫壯卒著有椒圃詩草伊志參強恕齋文鈔

朱稻孫字稼翁昆田子能以詩文翰墨世其家太倉王相

國揆為春秋館總裁引稻孫助稻孫挾其家藏二百七

十餘家之書以備纂修同館有意見不合者辨詰紛起

相國輒令稻孫平其可否又預修子史菁華書成例得

議敘稻孫赴友人李宗渭之難于關中比還期已過或

云銓曹吏可商也稻孫不肯遂不得選乾隆元年相國

子詹事奕清舉稻孫博學鴻詞復不得及纂修三禮臨

川李紱欲薦之有阻之者事遂寢性剛介不容物一言

非禮雖公卿滿坐輒慷慨義形于色遇故家子弟零落

不偶則涕淚不自持晚家居好以詩文會友齋厨蕭然

不介意書法自成一家所著六峯閣詩彙已刻者皆少

作又有續彙十卷擬古樂府三卷紀行絕句二卷羅浮

蝴蝶倡和詩二卷烟雨樓志四卷盛百二袖堂文存

陶越字艾村幼穎悟力學喜排纂遊曹侍郎溶朱檢討彝

尊之門侍郎有學海類編一書越因為續編若干卷又

嘗搜輯遺文撰嘉興人物考五十卷所著尚有錦帶書

月令摘華吟苑編珠過庭記餘錄數種詩文多散佚伊志

鄭世元字亦亭先世自越遷禾雍正癸卯舉人博學肆力

為詩宗少陵與俗寡合然朋儕子弟以業請者輒開譬

不倦陳梓謂其燭理如照犀處事如斷金使其得遇當
不僅以詩文見著有耕餘詩草子虎文自有傳從子炎
貧而豪于詩才敏贍千言立就而琢鍊精警時出新奇
著有雪杖山人詩集行世伊志

吳振武字威中有文名善寫生間作山水得王麓臺傳授
又嘗用指頭作畫花竹翎毛草蟲畢肖舅氏朱檢討作
長歌記之曾知寶坻縣罷歸賣畫以自給伊志

朱德滋字樹華諸生行已有繩墨涉獵史籍掌故勤筆不
休著聽和軒文彙又錢侍郎載之塾師曹檣字元樞先
世自上虞遷秀水少孤力學舌耕自給泊然與世寡營

詩學唐調有竹鄰小草餘及繪事篆刻兼通醫載為誌
其墓伊志

賀光烈字經三雍正丙午舉人考授中書卒于官性端重
為諸生時閱張氏履祥遺書慨然曰為學不當如是乎
乃與弟光焜相砥礪酷暑不釋衣冠發憤窮經史尤研
三禮恥託空言自天文河洛律呂宗廟溝洫賦役算術
醫理靡不殫究著書十數種為文洞達理奧辨析古今
折衷貴當是時俗學以三代兩漢文字馬鄭賈孔註疏
不近科第屏弗視光烈獨奮志于古人初非笑之既而
生徒漸眾經指授成名者同里沈刑部昌寅編修昌宇

錢塘沈臬使廷芳其選也子基輩有傳伊志

張庚字浦山棄舉業學詩古文尤精繪事晚益研求元四家山水氣韻深厚幾及麓臺間涉獵史書加以考核客睢陽十餘年中州人重其學以湖北學使蔣蔚保舉應博學鴻詞放歸生平遊歷公卿間多與賢豪長者交嘗主吳興李守庚既去李署其室曰浦來軒望浦山之常常來也其為時所推若此著綱目釋地糾繆畫徵錄強恕齋詩文集若干卷伊志

祝維誥字宣城翼權孫性質約詩冲和有風度所居綠雨莊錢載王又曾朱麟應暨其甥汪孟銷兄弟輒聚其中

為詩會丙辰被徵不及試戊午舉於鄉考授中書既終養補官升典籍著有綠谿詩彙子壽字明甫舉人弱不勝衣而好苦吟製小律鏤句琢字一語不輕下著有西澗集伊志

嚴仔字肩吾弟任字季重並諸生書法肖董其昌為查宮詹昇所許後有譚孚先字作周貢生有學行工撥鐙結體近元祕塔碑里人多從受教有述書絕句百篇同時朱源字原長諸生入太學議敘授如皋縣掘港場主簿精摹晉唐帖善做書嘗縮臨蘭亭聖教序如繩頭樣丰神逼肖從子振飛字南九亦以書名徑寸以下楷字尤

精潔能鑒別古帖辨入毫芒嘗以率更法寫李憩庵八十四法刻石以示學者又諸生錢德棻字眉客法在振飛伯仲間行押學李北海正書出醴泉銘而善變性瀟灑雖盜無儲粟吟間醉自若也夏之璉字宗彝諸生少後於錢亦工書學小歐道因碑無一懈筆

伊志

沈運宏字蒼育以歲貢生舉孝廉方正為嚴州府訓導不隳師範有退翁詩藁息簷詞鈔同時沈懋德字民滌舉人研覃四子書以制藝教弟子有渠度除臨海教諭子疇初字掄元有青谷雜著行世

伊志

凌大田字康伯六齡日誦千字雍正己酉舉鄉試第二人

以教習選臨海教諭丁父憂補富陽母老乞養歸大田敏於文能一日成十藝在教習館有求者立使者於庭削藁與之著有豐屢齋詩文集四十餘卷

伊志

王德普字長民好吟詩善寫生尤長墨竹得洋川法詩甚富有竹堂詩略百卷不盡經意往往見佳句題朱買臣墓云可憐無計留貧婦誰料他時是貴人洵乎老嫗都解也

伊志

鄭尙麟字悅山家貧能自振拔以舉人考授中書有詩問八卷雜著數種子煜字曦如舉人德清教諭有紅泉藁及他雜纂若干卷

伊志

朱麟應字梧巢舉人品端而學優以博學鴻詞舉未赴里中諸詩人自錢萬王三家外求其安章宅句足為後生楷式者必推麟應擬張王樂府尤神似詞亦工隸書完整而秀得漢法有賴業齋詩彙詞彙伊志

蔣德字敬持鶴鳴曾孫乙卯舉人性疎逸不問生產詩麗以則無虛矯氣刻有秋涇詩彙二冊門人故學士朱筠序今尚書珪為之傳伊志

卜兆熊字周望事孀母極孝嗜為詩有藕村詩鈔伊志吳光昭字翼心恩貢生源起孫少孤貧受母教肆力於學為名諸生嘗賦銅鼓歌一千四百言學使李因培極賞

之顧卒不遇以老著述散佚惟賦彙錄要箋略行世伊志吳紹曾字魯也朱振咸又名辰應字載坤均諸生以古文名紹曾文法歸有光計東一出以繩墨準尺年幼游楚豫即為童子師養母數嫁文於人取其酬振咸每過之尋積金葬親後有請者輒勿應振咸聞而歎曰吾固疑魯也非肯攫諛墓金者振咸少孤貧負狂名睥睨一切特推服紹曾文亦追步韓歐著永訓堂文集程同文密齋文集

朱芸字正蕃諸生博學健于詩有雋氣乾隆乙亥以饑餓不能出門戶卒有雁聲小草伊志

陳元朗字星瀾雍正己酉拔貢入成均聞父病馳歸旋遭
 喪以毀卒學使帥公念祖有詩紀之嘉慶六年入忠孝
 祠並建坊郡城徐家埭子姓繁盛代有聞人得金佗園
 為別業從子經禮字慶旋進士知沅陵縣縣置郵凡五
 站值軍興旁午士馬芻糧支應費絀輒鬻產補之不以
 重累民大吏廉得實保陞永綏同知

伊志

汪師曾字省三歲貢生餘姚訓導少孤力學為人謹嘖笑
 慎取與家貧授徒為食就試長安雖屢躓未嘗詭以求

遇

伊志

張星字九野諸生詩清新脫俗越其儕輩中歲卒有玉李

詩草張敬勝字呂揚拔貢生少以詩賦稱年逾八十猶
 國學生張楷字端如聞川人服賈養母耽詩五律有清
 標近唐人格沒後友人為錄雪泉詩存四卷

伊志

陳詩字韻清舉人為文根據經史授徒京師金部郎雲槐
 暨弟修撰榜皆經其指授晚主徽州書院著時藝日飾
 眉草韻語曰亦鳴草雜藝曰覆瓿偶存

伊志

汪大鏞字鳴盛援例選曲靖府同知調景東以銅廠事被
 逮起攝通州歷順天府東路同知愛風雅雖歷處繁劇
 輒吟詩作畫以自怡刊有綠雪齋詩稿

伊志

吳芳字若愚號方谷郡諸生幼失怙貧而力學思顯揚其

親值母壽七十哀刻祝詞為愛日居壽詩又仿朱子白

雲葬法倡舉義集為仁親會行之數十年工詩文著鳴

春集詩稿印月樓文鈔伊志

吳光酉字豐在甫成童即食餼乾隆丁巳貢成均為倪貢

士淑則贅婿因家平湖生平誦法陸清獻公食貧砥行

訂刊清獻年譜新纂

鈕景琦字玉海康熙辛酉舉人詩才鮮艷漁艇出桃花五

字春日舟行句也可作桃源圖又八月早寒一聯小院

苔乾蟲語咽空階葉落鳥聲愁亦逼真晚唐樵李詩繫續

馬學乾字行天貢生遊游荆襄掌教書院張太史問陶初

學韻語一見即許以他日成名著懷玉山人草樵李詩繫續

李元繡字裳吉郡諸生父敏芬喜藏書不能購者借錄勿

輟吳江姚螯庵為楊園張氏高第延以訓子元繡幼即

端恪講書義輒穎悟一日問餓死事小作何解答曰不

餓死即失節矣螯庵深器之長益肆力於詩古文所著

簡古沖淡有法度尤潛心宋儒諸書游其門者氣質自

化故成名者多歿後私謚貞恪有澹凝堂集沈莘士撰墓誌見鄭

鳳鏘新脞瑣志引

嚴文瀾字芳湄幼孤力學屢躋名場乃閉門課子手纂宋

元以來易詩諸經解著有易詩異同折衷論詩以澹雅

為宗子珠璣皆聲雋璣序有三珠之目
璣志引斐亭詩話

張輝祖字似干嗣伯父雍敬為後諸生性耿介嘗苦新勝

事蹟廢墜旁搜博採著雜咏百餘首有方山詩草璣志

沈叔埏號帶湖乾隆庚子

召試授內閣中書丁未成進士授吏部主事以母老告歸沉

潛經史工詩古文請業者戶外履滿猶子維鏞成進

士官至少司空弟珏號雲泉增廣生亦富著迷于志

陳增號梅軒學問淵博由進士授湖北長陽知縣制軍畢

沅委修湖廣通志沅刻書籍多與商權署德安府同知

以癩病改教回籍著有梅軒初續二集于志

陳經業字毓恬元朗子工吟咏與錢王諸詩人遊著有匏

村集

陳經國字泰揆乾隆己卯戊子二科副貢候選教諭潛心

經學著有讀易傳義會通三禮證訓春秋四傳糾正閒

齋思辨錄子孝恭號鹿萃乾隆乙卯舉人能文精醫識

沈濂於未達時操知人鑒積有遺澤子姓相繼登科第

新纂

李汝章字沁碧性高潔邁俗讀書不屑屑章句家貧服賈

以養為醫能活人同里錢載不輕交接少許可獨稱其

人與詩著有易解谿隱稿灌園餘事草子貞木號訥庵

以進士授山西高平縣澹榮利俸未滿卽解組改嚴州

府教授

新纂

王曇號仲瞿乾隆甲寅舉人博通經史旁及百家負奇才善道家掌中雷法左都御史某以曇薦會川楚匪起方禁邪術薦曇者夙與和珅有連珅敗方引避曇亦被牽不復振乃落拓江湖佯狂玩世著有昭明閣煙霞萬古

樓等集

新纂

唐祝號蔗圃乾隆戊申舉人主講上海書院誘掖獎勸人文蔚起登科目者倍盛於前肄業諸生爲之設主於朱子之側著有周易實義六卷詩文若干卷子瑩邑庠生

兼通醫理著有五運六氣指掌

于志

蔣元龍號春雨明經口吃心敏足不出里閭借觀郡城藏書家搜覽幾徧詩格雅正得后山之神爲錢籜石侍郎所推賞善鑑別字畫以楊梅紫液畫牡丹用草汁作葉題曰天然富貴圖爲繪事中最風韻著有春雨樓詩十六卷桃花亭詞一卷西齋過眼錄若干卷

于志

張翀字晴鶴嘉慶甲子歲貢生讀書過目不忘博通經籍兼擅古今文詞行廉志潔著曰湖草堂文集十卷詩集四卷所見偶錄八卷

于志

錢善揚號几山郡庠生載孫長於金石考據善鑒別工書

畫書法神似董文敏畫竹石花卉淵源家學得寫生趣

至今人多珍其筆墨著有几山吟稿于志

汪世樽號寅禾如洋季子道光三年進士授編修操行清

潔惟以詩古文詞自娛與伯仲兩兄式好最篤九年視

學楚南十二年典試粵西十三年分校禮闈未撤棘而

卒年壽不永士論惜之著有閱史偶鈔玉杯餘瀝于志

計楠號壽橋廩貢生就職訓導署嚴州教授安吉訓導事

工詩初學王孟雅淡中年變而學蘇陸有自得之趣著

一隅草堂集十六卷雜著十卷道光三年歲祲捐資助

賑奉部優獎于志

夏儼號守白邑庠生人品高潔詩亦如之論者謂其富於

文詞飽於道義絕去摩擬剽竊之習近日之言詩者未

能或之先也著有清琅室詩鈔三集弟汝為工繪事精

篆刻于志

沈莘士號約安邑庠生少與兄渭士講學文法大家中年

客游四方足跡半天下與諸名彥相切劘吟咏甚富諸

體皆擅長五古尤勝著有新溪詩文集雜著十四種于志

朱溥號德涵孝子元子讀書穎悟有神童之目未冠遊庠

性孝友篤實與兩弟澆夏閉戶攻書不問俗事著有書

經蒙引句解十卷弟澆號禹門夏號晴川皆有文名于志

朱聲希號吉雨庠生早歲食貧力學侍父疾以孝聞受教

於叔休度詩詞皆駸駸入古歷游燕趙得山川之助以

抒寫性靈業益進卒年六十一著有山礬山房詩鈔吉

雨詞稿俱付梓

于志

姚東升號曉珊世業儒祖應龍郡庠生品端學粹著有四

書五經旁訓父儼諸生著有儀禮旁註東升補郡庠弟

子員孝友篤恭資性穎異讀書過目成誦著有恒象紀

聞等書惜陰居文稿吟稿日鈔等集三十餘年鍵戶著

書寒暑不輟儒林望重旌德方維翰傳記嘉興沈維鏞

為讚道光十五年卒

于志

俞文行字力芟貢生力學著書有續貂性言十六章行世

并太平事宜一書俞沅字芷岸著有紹德堂詩鈔

于志

朱鼎鉉字楚正性孝友輯經補註私淑陸清獻嘗成理學

淵源錄詩亦近唐風格著有豐巖詩鈔

同上

黃如霽字奕山庠生本吳江北麻人遷居新塍之柿林遂

占籍焉生平精衡鑒書學坡公文宗熙甫詩有高達夫

之目

同上

徐昭字古愚乾隆甲子舉人著有古愚詩鈔嘗手錄五經

三傳周秦漢唐宋大家文數十冊晚年病瘵二十餘載

臥一木榻得詩尤多

同上

楊景雲字芸客父柱字東林以優貢訓導宣平有柳村詩

藁景雲詩學溯源漢魏初涉筆蕭選後與王又曾祝維

誥游始變今體歿無嗣友人顧列星為選其遺詩耐冷譚

顧烈星字退飛豪邁忘其貧寒甚友人贈以一裘過書肆

見有漁洋全集即脫裘換之家人笑其迂攤書朗誦勿

顧也著苦雨堂集夏儼為校刊耐冷譚

盛子靜諸生耿介性成嘗集友人結詩文社一日適不能

舉火有弟子素好擣菹偵知之持錢至卻勿受砥行立

名文酒讌中亦徵品誼新脞瑣志

朱杰字倫表居葭溪七歲居父喪哀毀如成人家故藏書

復得卜人木手鈔本數百卷肆力研索弱冠為詩文卓

然可觀嘗作座右銘有篤實沉潛居敬持志語蓋不欲

以詞章自域者惜不永年陳梓傳略

沈游號葭士貢生為錢文端器重妻以女孫性情恬退嗜

吟詠與計秀才漁溪結蘭言社所居耆英堂饒圖書花

木之勝嘗仿永和舊事倩戴秀才樹滋作者耆英堂雅集

圖凡二十二人錢塘吳菊圃重為作記撰有耆英堂集

續橋李詩繫

汪大經號西村廩生僑居泖上為贅葺城從沈沃田學詩

清新俊逸裘杼樓之後勁輯有江湖故人集齋味集及

詞雅諸選所著詩曰借秋山居上同

汪雲字雪谷布衣終身不娶寄居蕭寺詩筆操縱自如於

及山人梅溪叟外獨標一幟有借春閣稿上同

金汝潮號西樓由孝廉官山西澤州同知時方伯謝好華

飾見汝潮衣做裘綆下安如旒諷以改造爰歸就燈下

熱去蒙戎者翌日晉謁鞠躬曰今竟何如同官以其顛

手撼止之謝不罪也嗣出使旁邑題詩野廟中有軫恤

民艱語中丞初公見之曰此好官道途猶不忘民隱屬

監司善視之著有西樓詩鈔石瀨山房詩話

王家英庠生績學能文所著冰壑寒林館集錢塘陳文述

稱賞之工鐵筆善寫蘭竹刊有鴛湖漁唱詞四卷風調

不減杜樊川耐冷談

曹大經號海槎布衣隱於梅花涇詩筆蒼老尤工隸書詠

落葉有早識榮枯憑造化更誰茵溷判仙凡允推見道

之言所著曰吟秋館集上同

章全字益齋歲貢生訓導天台縣學汲古勤劬影鈔宋本

樂書全部總千有二百餘葉閱兩載告成以潛說友臨

安志缺碑目一門偶經市肆得天下碑目鈔本亟錄臨

安金石自周迄宋以補潛志之缺吾禾老宿勤鈔纂者

夙推陸瓠尊筠以全繼之可稱雙絕錢泰吉曝書雜記

虞光祖號角山嘉慶甲子舉人臨海教諭熟精舉業所居

鄰賣餅家將揭曉與隣預約置粉餌隣伴諾不為意迄

報者至猝無以應里人傳為故事謂命中若操券可以

勵後學綈袍方履嚴於跬步善擘窠書畫本採入墨香

居畫識新纂

殷樹栢號雲樓附貢生書法遠師柳誠懸近叅汪退谷畫

尤高潔凡瓶壘樽壺之屬位置寸縑尺幅中別具雅致

家西郭外自號西疇桑者同時王湘字秋帆諸生錢采

字禮園均畫山水隱居城市間不染塵俗新纂

文鼎字後山布衣咸豐初徵舉孝廉方正力辭不就富於

收藏如商仲彝周象觶漢元延銷襖帖五字不損本原

搨婁壽碑眼學精絕畫青綠山水宗文待詔派著有五

字不損本室詩稿諸暨周栢撰墓誌

董榮字樂間自號梅涇老農畫受石門方薰指授山水人

物花鳥草蟲各稱精妙尤喜寫蔬果點染生新書法顏

楷兼愛祝允明行草暮年構嘉會堂濡毫吮墨著有畫

學鉤元得其傳者諸生陳銑號蓮汀蒼勁秀逸著名濮

川新纂

唐堦字益庵綠谿山莊後人由增貢生保授富陽縣學訓

導赴任因病卸篆熟游閩省掌教臺灣崇文書院刻有

通俗字林辨證著蘇庵詩餘五種新纂

周錫蕃字椒邱由江西南豐改隸秀水幼稱神童以書生熟金穀林文忠撫吳時參贊奏議林器重恒呼先生而不名性友讓豐邑田產悉數歸弟俾奉祭祀遷浙無恒產七旬餘猶掌度支應當道聘著有佐治續編新纂

包盞號午橋道光辛巳科舉人由教習選江西德興縣知縣宦囊蕭然主講嚴州壽昌書院服習語錄兼通釋老

新纂

沈之璵字寶之號寶樹先世自潯溪遷禾隸籍秀水弱冠應童試詠各簪一花題有句云一朵當頭分綠鬢兩邊

齊帽插烏紗張霽山縣令大加歎賞嘉慶戊辰舉于鄉屢上春官不第歸與二三知己月夕花晨飛觴拈韻有旗亭畫壁風善墨繪於梅蘭竹尤精絕客居邗江者十載藉舌耕養母詩益工哀然得六巨冊生平梗概具見集中晚年刪定為二十二卷題曰雲暢樓詩草海鹽朱

方增序之未梓新纂

朱榮字欣甫道光丁酉登拔萃科選金華縣學教諭束身繩墨婺郡士風本尙理學榮躬行倡導受業者變化氣質

允推人師新纂

龔璜字宜園小試三冠曹偶由廩貢任溫州永嘉教諭歸

闢幽居於北郭外殿基灣藜杖清游好施與鄉里間精
行楷雖暮年腕顫屏幃扇幘不吝人求詩本性靈有蠟

展亭懷古八詠樓晚眺諸作傳播藝林新纂

鍾樑號山橋增生終身不娶娶與極介有女弟名惠珠能

繪事適張熊畫家老宿居郡城斜橋樑或歲暮信宿亦

不時至搢紳爭延之一入館如家焉工駢儷新纂

姚仁瑛號子白狀魁偉學行純篤壯歲有聲黌序長白瑞

元守禾時目仁瑛為高才生居郡庠西偏擅園林小築

有懷芬堂額猶存竹垞手蹟家中落橐筆遨游庚申避

滬歿有懷芬草堂詩稿節楊象濟撰懷芬草堂詩序

計光炘字曦伯性高尙厭舉業孝事二母雖携菹迷藏之

戲亦舉以娛親親疾卽戚容稱水量藥必手檢慕石田

南田品高志潔自署其齋曰二田藏書六千餘卷校刊

族祖棗村遺集為里人錢彥矚刊脉法一書風雅主持

又喜搜藏畫帙遐方文士造訪者羣集小滄浪重結詩

社有守贊齋詩詞集子飴孫力學貢成均有辛畚書屋

詩稿見計氏家傳

周閑字存伯居范蠡湖先世皆武秩閑援例知江蘇新陽

縣事性簡傲罷官後賣畫糊口不干要人壯歲留心掌

故府廳州縣志書搜羅過半諮詢遺獻爭造其門垂老

無聊託詩見志著范湖草堂詩文稿新纂

鄭瑞清原名熊光號霽山廩貢生藏書宏富目睇手纂留

心象緯兼參西學中年日擊時艱講求經世撰平賊略

長篇惜無上之當道者有求是齋易說雜文詩集松風

閣詞各若干卷北窗雜誌天星一覽諸稿新纂

王相號兩卿祖錚字鍊邪性恬澹巡檢歸仁遽拂衣退父

某幕江南北晚設質肆於桃源遂家宿遷相少棄舉業

為詩古文辭以經濟客諸侯倦游歸營百花萬卷草堂

閉戶嘯歌有無止境存藁新纂

隱逸

明

郁從周字泰初幼神骨清爽吟詩鼓琴登嘉靖己酉鄉榜

再上春官不第即棄去嘗遊南嶽遇異人有所指授後

張紫陽授大丹訣乃還武林賣藥市中人無識者浙江通志

周履靖字逸之萬厯中布衣築舍鴛湖之濱種梅百餘株

吟唔其下人呼為梅顛與妻桑偕隱倡酬劉鳳為作貧

士傳訂金石篆隸及所著詩文皆有根柢袁志吳志參

戴鳳儀字次泉諸生兄鳳翔官吏垣未嘗以寸牘謁當事

隱居白苕村杜門絕俗研究理學著詩經纂義秀水任志

朱崇儒初愛老莊已而潛心程朱為博士弟子尋棄去遊

戲筆墨間入神品為人豪宕有簡兮玩世風

吳志

殷仲春字方叔隱居教授兼岐黃葭牆不蔽風雨與禾中

高士高谷傳姚叔祥郁伯承王子逸釋秋潭為詩酒之

侶遇顯者輒引避所著有醫藏目錄棲老堂集子志伊

亦有學識

袁志

陳邦俊號白石子諸生負才好客多與名流往還晚遁跡

西郊茅屋數椽孤松片石擁書自娛聘修縣志有懷金

求作傳者峻拒之著有見聞紀異兩窗雜錄廣諧史明

代異人傳歲時記惜多散佚

秀水任志

陳堯德字安甫卜舜年字孟碩皆負異才相友善為人豪

宕不羈隱居放言世以狂生日之堯德有安甫小草舜

年兼善書畫有雲芝集

秀水任志

吳麟玉字稚貞少負才名放浪詩酒家有小圃栽竹萬竿

構數椽隱居其中題為琅玕社與陳繼儒釋智舷倡和

晚喜種梅調鶴自號澹雪翁有醉月軒閒吟草

浙江通志

鍾晉英字麗璠博通經史以泉石自娛喜汲引後進吳中

名士多以詩藝就正

秀水任志

吳統持字巨手弱冠餼于庠文名藉甚崇禎中與妻項偕

隱鴛湖焚香讀易餽粥不繼嘗賣卜徧遊齊魯燕趙稱

胥山樵子著典林十卷明月樓集項名佩淑且才有藕

花樓集

浙江通志

朱之佐字子襄九歲應試少孤苦事母以孝聞歲饑出力

勸賑閭里德之崇禎癸未進士例得選不赴日藝竹栽

花陶情詩酒有和陶硤遊諸集

秀水任志

顧鳳正字聖徵副貢生礪行績學天啟中辟賢良方正不

就聞國變失聲痛哭病遂不起有濟荒書榮樹堂集仲

子瑛繼其志以詩畫隱詩出入陶韋畫山水宗北苑花

草翎毛有黃荃徐熙筆意

吳志參秀水任志

高澈字公鑑諸生性好積書几案間雜陳法書名畫罇彝

古硯摩挲玩賞幾忘寢食乙酉後貧甚籜冠荔服屢斷

炊煙與長子履日染翰臨摹怡然自得有藝苑雕雲松

繞廬諸集

秀水任志

國朝

陳恂字子木明季舉人名注復社鼎革後杜門奉母薦舉

不出為浙西四孝廉之一著餘庵雜鈔子莢字堯夫諸

生康熙己未薦博學鴻詞未赴試著有秋雪集

鄭光祚字四維原籍餘姚還秀水善天文明末時隱居梅

花涇友人招赴省試作老女辭見志授徒教學不履塵

市自號碩果山人年八十卒子典字子韶孝友工詩著

廡下吟幽湖集嘗有廣陵古跡為王尚書士禎所擊賞
項觀國字子賓潛心理學鍵戶著述造就弟子多成器項
以淳字長孺棄舉業避地以詩自娛號古村老圃有邨
居集蠹餘草洗硯篇秋水倡和詩

張鴻字遵渚隱居九里村教授生徒皆知名士姪楨字端
士亦力學敦行以上吳志

沈起字仲方明末諸生說經不沿傳註每自出意解聞者
解頤後入東禪寺為僧名銘起嘗擬撰明書謂明不亡
于流寇而亡于厥衛自成化十二年秋始至設西廡止
又著有太易測詩選春秋經傳引四書慎思錄及學園

集靜志居詩話參吳志

吳從龍字九生素精韜略從總督張存仁征閩授參軍為
水路先鋒攻仙霞破建甯有功張既移節去從龍辭歸
躬耕田間不復出著有蕪香橐吳志

錢應梅字玉崖市隱賣漿晚年宰肉韭溪橋或賣卜七星
橋人與談詩輒閉肆下簾竟日不倦有同在郡城能詩
者郁心哉字秋堂時往乍浦以沽菽乳為業自稱粗糲

腐儒徐熊飛錦囊集又見樵李續詩繫

張岳鎮號晴麓布衣家貧愛栽花室中金鑑外無長物常
語人曰少殊自負今老且無子花而風焉將逍遙於是

鄉矣因號風然居士風然者仙花名也著有二欲齋詩

鈔同

陶瑄字梅石菊隱裔居長虹橋東甸上出門不數武烟波

萬頃遠樹遙村盡供詩情繪境嘗攜友權舟小滄浪觴

咏為樂握管寫生步武南田秀韻獨絕著綠蕉山館詩

集李王猷聞

湖詩續鈔

藝術

明

滕雲鶴號道軒沈懋孝有贈滕醫士序云歲辛卯夏余女

弟忽患寒熱日沉暝雜投不效七日幾絕急迎道軒至

木強已三日矣察之曰此乃風入太陽痰迷心竅病名

曰瘧靈樞論之詳矣其症當角弓反張其初必于產中

受風邪入血脉數年始發必曾微見顛眩狀詢之乃知

自產後閉月事者七年今歲三月忽仆地而遽醒越宿

果反張舌強齒噤藥不下咽則以牛黃硃砂等微從鼻

孔進拒不入再三進乃入僅涓滴三日日始瞬七日口

微開手足始蠕動旬日外微出聲知疴癢漸進藥液竟

得活於是一時傳以為神

浙江通志

陳詩字鳴唐世精岐黃每投藥輒與主人約某甲某日愈某乙某日愈皆不爽以術活人不望報雖婁人下隸未嘗靳往也

石涵玉字啟秦治痘有奇效一小兒痘不起面青腹痛涵玉憂之夜夢大士曰何不用白芍乃悟白芍能于土中瀉木面青腹痛木乘土也如法治之效一女痘陷眼白色紅面如灑脂涵玉曰內潰不治取紙礮一令其父燃耳畔驚之痘盡起眾問之曰內潰以通竅為主驚則心

竅開痘不伏矣平居長齋放生施棺買地置廣孝阡以葬無力者子楷諸生益精舊業名動公卿間

黃鼎字雲公性穎異博涉羣書遇道人與講義經祕旨遂精錢卜多奇中羽衣籙冠翛然自適著有占驗錄五行

總裁

以上秀水任志

王應芳字蟾采隱居種梅善治匏器每語人曰破匏為尊太古制也自號太朴山人後有周五峯治匏器亦工每歲種匏霜落後摘置几案間樽爐餅椀相其質制之色瑩香清天然可愛同里陳處士莢作匏器歌曹侍郎溶

和之

袁志

國朝

馮蘊古生明季穎悟絕倫順治初忽習醫卜術每出游歲終而退咸未之奇也康熙壬戌春徧詣戚屬拜別云當以八月八日辭世遂自營窀穸及棺槨衣衾衰麻之類并與僧道雜役訂期先予之值羣疑其癩至七月果病如期而逝

瑣志引馮浩橫塘紀聞

施濟字汝舟恬雅以畫名杜宗伯臻巡視閩粵海疆屬濟

繪圖以進名益重子蘭字楚求得其傳同邑姚敏修字

遜公亦善山水亞于濟

秀水何志參畫徵錄

許慧字念因業醫善花草用意在山泉舜學間而自成一

家每寫長草葉好作一轉若結者頗有別致

周銓字巨衡工花鳥尤長荷鷺人號周荷弟況字叔黨覽

字元覽皆工畫覽天資穎異童時與仲兄況伺伯兄出

潛取其所臨古圖摹本焚之曰畫須自出手眼何蹈襲

前人為每畫必對花寫生曲盡娟妍之致

以上畫徵錄

周困字廷三銓子亦工繪事宗南宋畫院派性耿介家雖

貧非知交購其畫不易得也

伊志

劉尊光善岐黃相傳遠祖業醫故俗有火藥劉之號自南

宋時因御呼得名言用藥如火之神速也尊光孫堯字

祝三克世其業能治奇症乾隆間有司屢旌之年八十

六無病卒伊志

沈江字岷源官太醫院以母疾告歸貧者延之輒徒步往
 遇疑難症每中夜不寐設法治之善自修養晚號抱元
 子預知死期與親友訣別沐浴逝著有奇症匯等書伊志
 朱英武名德昌以字行年十六不知所往數載精歸太乙
 王遁之術嘗授徒陳氏盜夕至英武以術禦之盜自相
 殺而退後夜遇盜於荒塚間突出戮以鎗傷鼻人因呼
 為朱爛鼻居新塍鎮不娶不茹葷灌圃終其身英武與
 人談必勸以孝友求其術不答年八十無病卒卒之頃
 出白金三十兩付其鄰曰待我嗣子來與之翼日未殮

嗣子至鄰出所付金而匿其三之一忽張目曰何不盡

與之及舉棺棺若空人以爲尸解云伊志

章魯璠字上珍隨父往西鄉診視遇農老與言知精醫者
 叩授數秘方且誠曰醫養親濟人非牟利若利令智昏能洞
 澈人癥結乎詢姓名不答後技精療竇學使光肅疾爲
 書額志恒堂踵門以贈著保幼心法慎疾要略兩書孫
 廷楷字維楨少孤患痘母懼觸忌飲井水成血臑長知
 之禱神求方神賜咒誦百日孝感愈母疾且世其業
 錢經綸號彥臞住王江涇性狷介精醫理深得古良醫奧
 旨多著奇效遇貧乏不能具禮輒造之數往無倦容倘

非其人雖多金不能致也歿後里人立小祠祀之著有

脈法須知三卷于志

姚揆號書城父敏修工繪事揆能世其學善人物花木父

子俱載畫微錄于志

周之璜號西範廩膳生工岐黃術治疾多奇效延診者不

計值遇貧者每卻其貲兼賙以藥事親孝父沒事母益

謹兄弟友愛弟珩多逋負皆為代償不使親知著有壺

隱詩鈔六卷于志

周以濟號魯安國學生由嘉善遷籍秀邑住王江涇精岐

黃術凡劇病他醫束手獨能奏效於時感尤能應手速

愈有半仙之稱于志

錢善繼號成甫邑庠生精醫工詩著有卓齋詩詞稿于志

陳球字蘊齋諸生家貧以賣畫自給工駢儷喜傳奇嘗取

明馮祭酒夢禎敘賣生事演成燕山外史事屬野稗才

華淹博墨香居畫識稱其善山水新纂

徐世綱字鈍庵諸生人物得陳洪綬逸致亦擅山水花卉

書法篆隸兼能蜨隱園書畫雜綴

吳球字禹錫畫師藍瑛摹子久小景頗云入室吳鈞號墨

隱山水得井西老人法通醫理善靜養畫史彙傳

吳履字竹虛號瓦山少不甚知書壯游山左歸能詩多奇

句字學鄭燮精篆刻工繪事涉筆蕭遠尤長於竹嘗作背立圖謂我看不得人人亦看不得我其玩世傲物如

此在山左與黃楸穀齊名著有苦楸庵詩

新脞瑣志

朱彝鑑字千里彝尊弟善畫精篆刻朱振祖字繩武彝鑑曾孫指墨花卉生動可觀楷書宗歐陽度曲自諧音律

畊硯田齋筆記

周封字子邨廩生博學工文善丹青墨香居畫識稱其秋

山聽瀑圖筆墨蒼秀阮文達視學兩浙文藝外間試六

法封輒冠曹偶魄力雄厚最以巨幅見長

石瀨山房詩話

范安國字治堂祖籍廣陵僑居郡城韭溪橋旋補博士弟

子員卽食餼名雋一黷凡琴棋八法方診堪輿悉能心

領神會鐵筆尤動與古合晚遇親串委代理財持籌歲

久不欺一錢其親感激至願分潤乃富購書籍有坐擁

百城之樂

飛鴻堂印人傳

曹均字大同號平階先由上虞籍遷來幼孤露母吳通經

籍能詩文以十指供家給教之成立餼於庠復舉優行

嗜金石工八法見舊石刻及前賢墨蹟雖無資必質衣

易歸昕夕臨摹篆刻宗秦漢無時俗纖媚習

同上

金學堅字成峯山水宗元參宋私淑王翬貧而能守不爲

豪勢所屈

畫徵錄

許慧字念因號笑仙寫意花卉合山泉舜泉而成家疎老
可嘉每寫長草葉作一轉若結者頗別致畫徵續錄

夏穎字稼民布衣蘭竹天趣橫生筆勢超逸兼善花卉工

吟詠能鼓琴

蜨隱園書畫雜綴

陶淇原名紹原號錐庵畫法二王字宗文惲遨游漢陽滬

瀆間得江山之助詩境蒼莽有忠孝堂集題跋尤得蘇

黃神髓傳弟溶號鏡庵善翎毛草蟲同時王坤號瘦石

性傲兀畫法王翬得淇指授益進新纂

朱熊字夢泉晚號墨禪居士精篆刻善花卉性孝志潔庚

申避地苜城舟居鬻畫以自給墨林今話

計芬字儋石善六法人物師金農花卉出入白陽南田奇

橫處神似青藤其里人沈玉垣師之玉垣尤工山水雄

厚絕倫字夢仙著白紵山人稿新纂

楊九牧字蓮峯江蘇南匯縣人本姓龔少孤受撫於楊楊

乏嗣遂承龔楊雙姓得異人秘授以岐黃濟世有瞽者

求治取鍼開之撥轉瞳神光明如故尤擅長瘋癆毆腦

雜症故汾泖以東老幼婦孺就醫者踵相接焉雍正間

設同善堂藥肆於禾城北郭外時錢太傅陳羣足患疾

投藥酒瘳贈聯云功深九轉丹成鼎病卻千人藥在囊

乾隆年龍虎山天師張存義身患偏枯療之贈人世天

醫額天師精風鑑命立石佛堦前以鎮宅嗣後遠鄉就診者遂以石佛為記識嘉慶年入籍秀水今其曾孫增

貢生奎克繼其業

新纂

黃石字秋浦居謝洞里山水仿陳白陽家綦貧以筆墨自

給故所畫皆佛像藏僧道家為多

新陞瓊志引
新溪雜詠

陳其殷字拜璜居福德坊之祥里善畫蘆雁金石文亦蒼

古館蘇范氏歿後篆刻墨蹟吳門極有珍藏之者

同上

王斌字師周寫真筆意澹遠子肇基字鏡香花卉禽鳥秀

韻天成兼工寫真

畫徵
續錄

沈紀字聿修從曾鯨學寫真子松年字季申寫真兼山水

篆刻圖章皆自鐫古紐

畫徵
錄

朱廣陽住園田挾富貴膂力絕人延計彥如為師計得少

林派無嗣老於朱氏故廣陽盡得其傳嘗以一掌劈牌

坊柱石立斷人呼為朱石柱云

瑣志引屠汾
新溪備考

朱孟堅字兼白府庠生精醫理與同里陳孝廉鹿萃合註

天士臨診指南痘科尤擅名所用藥物非果蓏葉即珍

饑吐棄本草恒品以時流治療疾多誤用北沙參涼味

辨論指迷治痘貴察色自中年省闈被黜飲泣目盲用

手摩抄即決吉凶無爽壽至九旬有三痘科醫案及詩

集均燬於兵燹

新纂

俞浩明字超英紹人住甘科街父虧帑項積逋窘甚卜諸
日者勸習岐黃苦乏脩脯從師乃涉獵方書急售術輒
驗蓋天生也生平遇二祟症市心街朱姓昏迷七晝夜
室燈暗如豆俞至病魔若遠避投清心劑卽愈春波坊
業酒姬譫狂擲器衆莫敢前俞切脉佯退借鄰家書虎
威吸鐵石羚羊角淘鵝油作餅餽食之頓下塊血二豎
患遂息北鄉李姓頭骨嶄然起如角肢體漸倦係腎氣
外洩用鹿茸爲君藥骨遂平鄉婦兩乳忽長尺許症名
乳卸陽明虛法用歸芎乳縮如故先是鄞人吳浩然醫
集衆長住北郭外聲名噪甚在城出邀者每導令赴俞

曰吾與若技均於是

新纂

張彪字翰如少結游俠精拳勇能騰身貼壁或頭足着兩
几中空而鼾睡設酒肆塘灣街糧艘水手使酒踞櫃坐
張佯以巾作拭櫃狀坐者已標出門外去他人治傷尙
藥力張純以巧勝一婦弓鞋滑足從梯初桃墮傷環跳
穴避嫌難用手乃令端坐狹木橈背以栲栳仰承之拍
肩使翻身團坐齧已合筍少年被毆傷腎囊膚全脫宰
雞取黃以冷水澆病者頂噤則丸縮伺縮半急以黃裹
之藥敷口卽膠合若折脛斷脅尤見本領有陸禹門者
跛脚坐旁有囊荳疾趨者脫肩壓其股膝骨下垂又有

助骨受傷十二年捫之痛徹心漸彎向內均以生平運

鍊柔克以治之性慷慨且存救世心不受酬故較城中

嚴氏接骨尤陰行善云

新纂

郁文普號正飛布衣住南張浜間村學究訓蒙字音不分

陰陽清濁乃舉五經字依三十六字母分別部居作子

母字彙字母証

新纂

姚鑑字鏡侯王江涇人學醫於妻父朱聲雷朱多蓄宋元

以來諸家書鑑盡發而讀之故治病能據經典依古法

多有為時人所不知者卒年六十餘著有傷寒合璧二

卷集方一卷

流寓

明

施懋字以德應天人能詩文書法學東坡以鄉貢授龍泉

教諭改北畿武學訓導陞孝豐縣致仕官無餘資挈妻

子寓秀水之醋坊橋懋嘗從侍郎戴簡庵學乃與其子

經為忘年交往來益密遂相依而居

秀水李志參
浙江通志

康太和字原中莆田人少負才名嘉慶乙未進士官翰林

三十年歷南京少宗伯及大司空致政歸避倭僑寓禾

郡與吳太宰諸公遊有禾城集

浙江
通志

國朝

王益朋號鶴山仁和人卜居秀水之秋涇乙未二甲進士
第一人授庶常改給事中時鎮臣潛通海外為心腹莫
發其奸益朋密疏請檻致以正軍法直聲震於時擢掌
吏科值大計嚴絕餽遺陞太僕少卿卒于官著有詩文

集黃門奏議

秀水任志

陳祚昌字奕大由仁和遷秀水乙未進士歷任刑部郎恤
刑畿輔申雪冤滯調知揚州有惠政

宋昱字懼聞紹興山陰布衣康熙戊午舉博學鴻詞不赴
遷居秀水極貧有故人為制府勸之仕謝曰昱只願讀
書耳徒步謁孔林歸作詩十章年八十卒

以上吳志

陳潢字天一錢塘人寓郡城有經濟才參總河靳輔幕議
改築清水潭隄議移南北運口以防淮決黃淤又議鑿
中河俾往來舟楫去險就安凡數大舉皆潢策也會

上巡幸江南閱河以得人為問輔奏潢名敘其功

特受贊理河務僉事道盡瘁而歿

秀水任志

潘澣字起濤越人寓于禾少工篆刻長嗜書窮日夜流覽
又善吟咏嘗手選楊誠齋詩序之出入懷袖不置蓋其
專好也年三十餘卒友人陳梓為作傳又潘佳晴字快
雪松江人寓金明寺三十年卒于僧舍詩學義山書蒼

秀得蘇米法

伊志

沈用濟字方舟國子生自錢塘徙禾南海梁佩蘭為賦鴛

湖別業詩用濟足跡半天下詩多邊塞之作一時名流

莫與抗行將老遷去長洲沈德潛序其遺詩凡十卷伊志

陳梓字俯恭餘姚人遷濮院不習舉業嘗私淑張氏履祥

之論說撰四書質疑以教授學者通六書作草字學懷

素小楷用意處乃絕古雅詩與北地李隱君錯齊名有

南陳北李之號伊志

金德瑛字汝白號檜門祖籍休甯遷杭州入仁和邑庠為

秀水汪氏壻讀書金陀園遂家焉雍正丙午舉於鄉旋

舉鴻博乾隆丙辰再遷居蘇州

廷試第一授修撰入直

南書房分校北闈者一典試江閩者四視學江西山東順天

者五充

殿試讀卷會試總裁者各一初任江西時奉

旨金德瑛操守甚好取士公明著再留任三年嘗奏請加賑鄒

滕飢民徐克水災宜復黃河故道

上曰德瑛不欺皆奉

旨允行德瑛性孝友置義田建宗祠創立休甯會館于京師鄉

人至今德之官至左都御史卒祀鄉賢著有檜門詩存

伊志

陸燿字朗夫原籍吳江遷秀水乾隆壬申舉人考授中書
歷郎中出知大理府母老陳情調登州陞西甯道又請
奉母入京供職

特調山東運河道講求行水成法輯運河備勇六卷創蒿庵書
院以祀張爾岐壽張王倫作亂河督率兵助勦燿守濟
甯募鄉兵及義勇千餘擇里人統之授以方略或議閉
城守燿曰鄉村皆赤子何忍棄之城外乃洞開重圍使
入而身坐門間稽察之賊偵知有備不敢近擢按察使
盡心斷獄著濟南信讞四卷及急救方洗冤錄節要甘
薯錄諸書攝藩司事奏停加捐分發之例尋乞養歸服

除

命監辦運河隄工補山東布政使旋擢湖南巡撫請定各官終
養例以杜規避而廣孝治又請廣嶽麓城南兩書院肄
業名數又湖南有社倉未納穀者三十餘處民僻阻山
水力不能輸請停收免民累並

允行時方倚重遽以疾卒少勵學中年棄詩弗爲政暇博涉經
史百家言廣採

本朝各家文取議論深切有補人心世務者爲切問齋文鈔
三十卷大學合鈔切問齋集十六卷傳於世

伊志

陳淦字揚對號鐵巖又號養素居士海甯人年十一善屬

文筆意端重乾隆辛酉舉於鄉史文靖薦授國子監助教京察當以直隸州用不就戊辰成進士改庶吉士授編修充武英殿提調國史館纂修通考館纂修官陞右中允轉左晉侍讀左遷復保舉御史引見記名以繼母熊春秋高引退母病篤時公年七十率諸弟姪侍奉中夜必數起居喪哀毀倍常庚子

南巡駐蹕安瀾園

賜陳氏子姓各緞疋公獲

加賜雙端以父閭齋所輯賦彙題註進呈蒙

恩嘉獎性溫厚少受業顧侍講小崖之門理學專家深相契洽

因盡發其祕卜居郡治與二三至好蒔花種竹官吏絕不往來年七十五卒所著有清餘堂詩文集次子愨字高翼太學生績學工文爲曹劍亭副憲婿當曹參劾和珅時奉

旨赴熱河面訊親友無一人肯往愨隨行往還跋涉曹卒於京

子幼爲經紀其喪歸里所受分田產爲伯兄耗盡無幾

微怨色課徒度日丹黃不倦年八十二卒

子志

方潔號治庵台州黃巖人僑居禾中折節讀書工詩善畫尤精竹刻見者歎賞以爲必傳之技張孝廉廷濟爲作

傳

子志

江涵燉原名秋號筆花歸安人僑居禾中嘉慶戊辰進士官廣東會同知縣以疾歸貧乏不能自存素工岐黃術仍以醫道餬口著有醫鏡奉時旨要于志

肅瀚號潛齋江蘇丹徒人徙居秀邑銓發廣東鹽知事親老不赴性仁厚喜施與郡城有善舉皆與焉周困乏惟恐不及耽黃老之學深通元理著語錄數千言于志

徐懋學號竹牕德清庠生援例就鹽運司通判嘉慶元年僑居禾郡平生敦族誼慎交遊專精史學郡中諸善舉皆與其列子彝承號石琴詹事府主簿稟承庭訓讀書儲經濟道光壬寅海氛熾郡城騷動上防夷策五條尤

嗜讎校史記前後漢文選及蘇詩均有評本於許氏說文多所心得段註未安處補正若干條他若書畫金石文房古玩賞鑒款跋稱精當餘事工圍棋度曲時或引商刻羽放浪湖山以為樂癸卯修築郡城并激浦礮臺捐緡錢親畚揭利濟鄉里交口賢之孫傳經傳政亦能

世其業于志兼補纂

孫世澧號月航杭州人寄居秀邑工行楷善古文由河工議敘官河南孟縣知縣以軍功擢陳州府通判頗著循譽人以爲無忝簪纓世胄云于志

陳崇禮字敦厚號梅亭海甯州人嘉慶元年以州同投効

湖南軍營委解軍餉往來辰沅間不避艱險事平奏請
議敘以原銜簽發四川試用教匪事起調赴達州軍需
總局時相國托津以副都統總理糧餉延入幕府勦辦
諸務借補甯遠府經歷仍留達州升琪縣知縣甫下車
廉知有生員廖某爲姪誣陷沈獄中十二年訪確卽予
出獄并爲請復衣頂一時有青天之目調署安岳縣事
有武生廖洪以軍功恃符滋事詳請斥革書院久經廢
圮基址狹隘捐俸添置旁地重爲修葺調任鄰水旋署
眉州直隸州重修三蘇祠宇清理老泉墓界令其後裔
世守陞石砭直隸同知向爲明土司秦良玉地被教匪
滋擾爲脩祠宇清祭產署江北同知丁父憂服闋補雜
砭同州卽古維州地甫蒞任而阿蘇拉野番滋事奉調
赴甯遠督辦旋陞甯遠知府地鄰滇省五方雜處凡滇
省銅鉛皆由此採辦廠丁人衆多偷漏嚴督廠員銅額
無虧會果洽克夷匪蠢動調辦總理軍需事平奏

聞

賞加道銜調成都府不一年

特擢建昌兵備道旋授長蘆鹽運使司裕課恤商授直隸按察
使矜慎庶獄陞直隸布政使

特調福建布政使抵任未兩月以足疾復發乞病回里道光十

八年八月卜居郡治姚家埭于志

李華清號補未原籍江蘇嘉定縣父賡芸守吾郡惠政清風口碑猶在嗣擢福建汀漳龍道以朱履中獄被誣自盡逮平反寃雪眷屬歸膠城又為族眾所凌無以自存遂棄舊居卜宅郡城報忠坊楹有傳書家無儋石以諸生援例授鹽經歷著善補過齋文鈔子用光籍秀水由歲貢選授分水訓導新纂

張建謨字嘉言吳江庠生砥行劬學喪偶不再娶造就弟子舉業外兼論古體文及門沈曰富尤以古文辭名世始寓金陀園昭文蔣霞竹為繪倦圃讀書圖喜為詩有

鴻閣聖雨齋問花樓各著經焚燬惟仲湘刊留爪集存其詞子書紳字孟彬持躬樸實授徒教以誠敬為宗詩附梓留爪集道光年占籍秀水八邑庠新纂

馬承惠字麟洲江南吳縣籍寓聞川父病刲股得延父壽十年咸豐八年題旌徵信錄



